

大清時憲書笺釋

時憲厯箋釋序

憲厯頒矣而何有於箋釋箋釋
出矣而何有於通書是憲厯體
也通書用也箋釋則兼體用而以
皇憲為宗者也凡人生天地茂育四時
莫不有當然之行當然之止甚

未可玩居諸而忽歲月斯半隱
之箋釋所不能已也自軒轅氏立
占天之官得五要以設靈臺綜六
術以定氣運五六合者歲三千七
百二十氣為一紀六十歲千四百四
十氣為一周終而復始乃迎日推

時也太史公叙黃帝定歷而變
於中古以至失紀於春秋踵紊
於戰國縻亂於秦雖漢興未
能挾合武帝始同於夏正然
何以云招致方士唐都分其天
部運筭轉歷然後日辰之度

策造十六神歷置閏設部於
是時惠而辰從帝堯卽民物
以驗星歷毫髮弗爽皆聖人取
會於中星故王者必表正朔以統
馭萬國而協和萬民厥有本
原夫子謂夏正不易之經重人

與夏正同夫自黃帝至於漢初
失紀紊次武帝始還於夏正史
又云出諸方士之手是時極詆
方士為邪異奚為不正於廷臣
而正於方士方士能正數千年未
正之夏時則以與義和常儀

鬼吏蓋大撓輩相較列矣烏得
以方士短之哉史之見不亦疏且悖
乎哉

朝康熙上甲子歲攷定歲差箕三
子正允合堯英夏時頒憲示
準民用以諧其如歲換年遷忽

畧弗究急則求於推測之家
亦第按迹以酬往誤失趨避
雖亦置一帙似有如無蓋由其
不知厯理即因之不識星步縲
隱君感而憫焉爰加箋釋燦
列井條俾義蘊畢張家喻戶

曉貫習者各知君子趨避之宜
其羽翼

時憲為功世圖豈淺鮮哉吁纓
君之學與行固常有志於用
用也斯以半隱名則猶有不
隱者半須箋釋云乎哉吾

方與之論隱義矣是為序
雍正元年春王吉日

雲逸子譔

自序

敬授民時

朝廷大典也既禁私習之人恐其妄言禍福
以煽惑無知之類復

頒時憲歷於天下使知一歲內吉凶所宜年以
統月月以統日太陽出入晝夜刻分纖悉臚
列即歲德天道九宮紫白百忌周堂亦靡不
宣示焉如

大清律例刑法分載而并示人以尊卑儀註
輿服喪制等禮易於遵行其意一也近日家置
一本不耐尋繹遇事則問之克擇家盲師牧
豎上下其說一惟其口是聽而不知所取正亦
如日用服制之舍禮律而檢家禮其謬略同
大清律自王肯堂司寇註後若中錢之清纂
輯箋釋一書廣為刊布四方無不讀律之
難而歷獨闕焉晉有志於此採輯多年

六加箋釋凡歷之所載全民利用者條爲
分而縷爲析以副

聖天子敬授斯民至意務使讀歷者吉凶避就
觸目了然無事向克擇之門奉其瞽論而
問左之用日以愈弘非敢謂有裨於

朝廷之治竊與

大清律箋釋之旨微有合爾且書中祇釋
本義餘無所及視太史公歷書之載大小餘

閨易萌步筭之思天官書之星辰並著機
祥動人推測之見其得失相去甚遠則此
書之適於用而無蹈於禁庶為天下之君
子所願讀而樂道也夫

康熙六十一年歲次壬寅八月之望書于晉

江玉寧堂

西湖繆之晉

例言

歷之爲書也統乾元不息之運發造化消長之理亙古今通上下自天子以至於庶人莫或違之故歷代永以爲寶而斯民亦不能一日離也以一日不可離之書顧乃不求其理不解其說徒具每年一新之陳迹良可慨也此余箋釋一書所由編也

歷書頒自 皇朝論者謂陰陽五行非羣野所當道其說固然第不知時憲歷一書非推步書可比 聖王授時于民正欲使家喻戶曉順四時之宜知吉凶之理躋斯民于仁壽惟恐人之不能知未嘗禁人以不必知奈何世人講求者少忽略者多不知年神方位作何用紫白九宮爲何物乾坤艮巽是何時男女宮數究何取茫

然莫辨竟視爲紙上之繁文矣余因倣王肯堂先生箋律之意循書之次序逐行逐事全卷爲之疏解務使旨義昭著人人能讀其書而并能用其書實得尊王之意而便民用所以佐歷非以淆歷豈妄論陰陽五行之謂哉

或謂歷頒天下自亙古迄今從未有人解之釋之者惟近世浙閩蕭薛汪鄭諸家集爲通書每年行世闡發歷中之義幾幾乎詳且盡矣今復有是書無過多其辭說以滋惑耶余曰不然聖朝頒歷但云其然而不言其所以然其不言所以然者以爲斯民既知實之自必能尋繹其旨而體會其義如必欲言其所以然則簡帙繁多適足淆其觀覽惟待知者探索之愚者問學之而無如人之

不加察焉卽或有心于斯道者又無人以啓發之徒有寶歷之心而無用歷之實可慨也夫卽蕭薛諸家不過踵事增華惟便于剋擇家日者用誠每年簡易通書耳故其名亦祇曰通書而已與此箋釋中書判若兩途未可同日而語子不見經書白文簡易直捷亦有讀之而不能知其義者必經註疏而白文之旨大著今是書雖不敢與經書註疏比亦此意耳豈滋惑之謂哉

嘗見不善讀歷者置不知者于勿問而已知者又混拈卽如四月初一辰時正二刻立夏而辰時正一刻及初二三四刻尚屬三月節管事若以上四刻及正一刻卽作立夏論則所誤惟刻數之幾微而所差竟夏春之迥別且各省遲早又是不同此省立夏是正

二刻彼省立夏是正一刻以本省而用別省之時刻亦誤矣又如
十一日半夜子時誕育上四刻屬十一日管下四刻方屬十二日
管若誕育于上四刻者則爲夜子時故歷中明有夜子時之別昧
者不察概曰子時竟差一日之五行矣更有晝夜長短刻分不于
本省例內求而于每月每日條下看此又誤以順天爲本省矣種
種混拈比比而是今不及備述姑舉數端以見歷之不可不研解
其理耳

歷中首詳各省節氣時刻及晝夜長短諸例天之道也次列八卦方
位二十四山九宮紫白諸局地之道也中列十二月七十二候等
類時之道也內復備人事之趨避吉凶之向背人之道也三才之

理全四時之序正崇象緯自然之正宗華通書不經之邪說順之者昌違之者殃人曷不究其理以求無大過哉

歷內所載種種條項但箋其說明解而已似可不必再詳其原第恐不探其本此中精蘊終難大白于世故不厭周詳不惟所以然之說必欲備陳卽參互考訂之義亦皆具悉

吉凶神煞之名奇異迭出若或真有其神焉要知此亦古人原其陰陽五行生剋衰旺所自來之義以取象立名使人易于依循稱謂耳卽如諸天星之命名或因其彷彿形似或因其光色或因其情性或名以官以國以人以物以事種種借義稱名咸以便司天氏之仰觀耳又如六十甲子納音海中金爐中火之類亦猶是也若

謂其的于何所主管何所司屬則未敢確謂其然也至其情性之不同氣化之純駁所以專施或異是殆理之所固然又未可以爲妄誕也

歷本文皆用大字其中有用○者因其隨時更易不能一定故以圈記之

箋釋諸說或由經傳或出叢書今不記出某書者因余丙申居玉峯時諸友以歷書相質問隨意編輯無刊佈之心故未及詳記況內有斷章取義者亦有參以臆見而集爲一說者不敢妄指出自某書間有詳述者皆丙申後所編也

歷中之理錯綜紛雜各條之下僅言其旨明顯易知而止若多繁衍

反易旨晦且恐讀者無所指歸若必欲探其原盡其蘊但于箋說中求之自得

其中編緝失宜疏解外誤及舉一漏百詳說未盡處應是不少伏祈海內名公先達博雅君子惠而教我樂莫大焉

箋說嗣出

客吳半巢主人繆之晉識

大清時憲書箋釋

西泠繆之晉牛隱編輯

大清康熙〇十〇年歲次〇〇時憲書

年進也進而前也禾千成季

季古年字

年以禾一歲而熟歲越也越故

限也又木星也歲以星一歲而週木星越歷二十八宿宣徧陰陽十二月一次此星行一次而四時之功畢故謂之歲蓋木星卽歲星也次次第也又次舍也時憲書乃

本朝書名也如明之書曰大統元之書曰授時宋之書曰開禧之類是也

都城順天府節氣時刻

本朝定罪都直隸順天府禹貢冀州之域天文尾箕分野今首列順天府節氣時刻者重皇畿也凡順天省內節氣時刻則準此若別省節氣時刻又不同於此當查後各省節氣時刻局內自明

正月 二月 三月 四月 五月 六月 七月

八月 九月 十月 十一月 十二月

日與天會一歲一次而二十四氣由之以生然二十四氣凡三百六十日有奇而周月與日會一歲十二次而十有二朔由之以合然十有二朔凡三百五十四日有奇而周歲從太陽一日一度一年行一周天而與天會則歲功成故曰歲月從太陰一日十三度有奇一月行一周天而與日會則月朔定故曰月

大小

每月日與月會自有前後零分度數之不齊故有月大月小之異然每年惟月大者六月小者六有恒例也第月之大小先後錯綜不一者此又推步家因其贏餘不及之數在先而在後而定也

閏月

一歲十二月一月三十日一年三百六十日此一歲之常數也每一月日與月會一次核其實月行二十九日半強而與日會固不必足三十日而始與日會也十二個二十九日合之得三百四十八日是一歲月行之常數餘分并積又成六日加六日於三百四十八日之中故月與日會十二次一歲通共得三百五十四日較

之一歲二十四節氣三百六十五日所得之常數少五日零爲朔
虛一歲二十四節氣每一節氣有十五日零總計零分之數共
得三百六十五日零此太陽一日一度一年一周天之常數故今
年冬至數至明年冬至則三百六十五日零較之歲有十二月月
有三十日三百六十日一歲之常數則日與天會多五日零爲氣
盈以氣盈朔虛二數合之而閏生焉三歲一閏五歲再閏十九
歲七閏氣朔分齊是爲一章二十七章爲一會三會爲一統三統
爲一元若三年不置閏則春之一月入於夏而時漸不定矣子之
一月入於丑而歲漸不成矣積之久久至於三失閏則春入於夏
而時令不定矣十二失閏則子入於丑而歲全不成矣故必以此

餘日置閏於其間然後四時不差歲功得成

閏者歲之樞紐斗之所建爲中氣日月所會在斗柄所指之辰無中氣則置閏之月故閏前之月中氣在晦閏後之月中氣在朔無中氣則謂之閏月也

○月○○

某月大小之下橫列兩小字某干支乃本月朔值日之甲子也

○日○○○○○刻○分○○○月節 ○月中

此某日某刻某分卽下之節氣時刻也

四時成歲以春夏秋冬各司九十日零而有四立爲四時之首立春立夏立秋立冬是也卽四孟月也驚蟄芒種白露大雪爲四仲

月之節清明小暑寒露小寒爲四季月之節總孟仲季十二月之節得十有二焉謂之節春三月中氣雨水春分穀雨夏三月中氣小滿夏至大暑秋三月中氣處暑秋分霜降冬三月中氣小雪冬至大寒合十二月之中氣亦十有二焉謂之中惟閏無中氣斗指兩辰之間

尚書正義節氣者周天三百六十五日四分日之一分爲十二月則月各得三十日十六分日之七以初爲節氣半爲中氣故一歲有二十四氣分居辰次焉凡五日一候三候爲氣六氣成時四時成歲

月令章句

中必在其月節不必在其月本月之節嘗有不在本月

也言物體皆成酉者日入之時乃陽正中八月也又云酉緝

同緝息有

切修上聲也萬物皆緝縮收歛九月戌陽未既也然不能事潛藏於戌

戌中乃乾位戌爲天門故也又云戌滅也萬物皆衰滅矣十月亥純陰也又亥効也言陰氣効殺萬物此地之道也

天干始于甲而終于癸河圖生成之數也地支起于子而終于亥洛書奇偶之數也陽自復始六變而乾陽備陰自姤始六變而坤陰成合二六之數而爲十二辰也夫甲丙戊庚壬陽幹也子寅辰午申戌陽枝也乙丁己辛癸陰幹也丑卯巳未酉亥陰枝也法以陽幹配陽枝陰幹配陰枝猶木之有幹而有枝自甲子爲首以六甲五子次第推排而盡於癸亥仍以干支本數而計其成數總其

成數千支若干然後以五數除之以其所剩者約之以生五行之音是謂六甲納音

其法以一六爲水二七爲火三八爲木四九爲金五十爲土如甲子乙丑以太玄數取之甲數九子數亦九乙數八丑數亦八共計之其數三十有四以五除之餘四數四數爲金故甲子乙丑屬金是金也又如戊辰巳巳其數二十有三以五除之餘三數三爲木故納音屬木庚午辛未其數三十有二二者火也土以火爲音故曰土甲申乙酉其數三十者土也水以土爲音故曰水戊子巳丑其數三十有一一者水也火以水爲音故曰火凡六十甲子皆然但五行之中惟金木有自然之音而水必以土擊火必以水激

相勝而成音土必以火陶成器而後有音所謂相假以成音亦自然之理也

太玄數 甲巳子午九 乙庚丑未八 丙辛寅申七

丁壬卯酉六 戊癸辰戌五 己亥無干四

納音取象 黃帝以干支配成六十號曰花甲子借意而喻誠爲玄奧起於子爲一陽終於亥爲六陰起於甲陽干之首終於癸陰干之末各有金木水火土以屬之 甲子乙丑何以取象爲海中金蓋氣在包藏有名無形猶人之在母腹也 壬寅癸卯絕地存金氣尚柔弱薄若繒縞故曰金箔金 庚辰辛巳以金居火土之地氣已發生金尚在鑛寄形生養之鄉受西方之正色乃曰白

鐵金 甲午乙未則氣已成物質自堅實混於沙而別於沙居於火而煉於火乃曰沙中金也 壬申癸酉氣盛物極當施收斂之功穎脫鋒銳之刃蓋申酉金之正位干值壬癸金水淬礪故取象劍鋒而金之功用極矣 至戊亥則金氣藏伏形體已殘煅煉首飾已成其狀藏之閨閣無所施爲而金之功用畢故曰庚戌辛亥釵釧金

壬子癸丑何以取象桑柘木蓋氣居盤屈形狀未伸居於水地蠶衰之月桑柘受氣取其時之生也 庚寅辛卯則氣已乘陽得栽培之勢力其爲狀也奈居金下凡金與霜素堅木居下得其旺歲寒後凋取其性之堅也故曰松柏木 戊辰己巳則器不成量物

已及時枝葉茂盛蔚然成林取其木之盛也故曰大林木 壬午
癸未木至午而死至未而墓故楊柳盛夏葉凋枝幹微弱取其性
之柔也故曰楊柳木 庚申辛酉五行爲金而納音屬木以相尅
取之蓋木性辛者惟石榴木申酉氣歸靜肅物漸成實木居金地
其味成辛故曰石榴木若他木至午而死惟此木至午而旺取其
性之偏也 戊戌己亥氣歸藏伏陰陽閉塞木氣歸根伏乎上中
故曰平地木也

丙子丁丑何以取象澗下水蓋氣未通濟高段非水流之所卑濕
乃水就之鄉由地中行故曰澗下水 甲寅乙卯氣出陽明水勢
恃源東流滔注其勢浸大故曰大溪水 壬辰癸巳勢極東南氣

傍離宮火明勢盛水得歸庫盈科後進乃曰長流水也 丙午丁未氣當升降在高明火位有水沛然作霖以濟火中之水惟天上乃有故曰天河水 甲申乙酉氣息安靜子母同位出而不窮汲而不竭乃曰井泉水 壬戌癸亥天門之地氣歸閉塞水歷遍而不趨勢歸乎寧謐之位來之不窮納之不溢乃曰大海水也

戊子己丑何以取象霹靂火蓋氣在一陽形居水位水中之火非神龍則無故曰霹靂火 丙寅丁卯氣漸發輝因薪而顯陰陽爲治天地爲爐乃曰爐中火也 甲辰乙巳氣形盛地勢定高岡傳明繼晦子母相承乃曰覆燈火也 戊午己未氣過陽宮重離相會炳靈交光發輝炎上乃曰天上火也 丙申丁酉氣息形藏勢

力韜光歸縮兌位力微體弱明不及遠乃曰山下火也 甲戌乙亥謂之山頭火者山乃藏形頭乃投光內明外暗隱而不顯飛光投乾歸於休息之中故曰山頭火也

庚子辛丑何以取象壁上土氣居閉塞物尚包藏掩形遮體內外不交故曰壁上土 戊寅己卯氣能成物功以育物發乎根莖壯乎萁蕊乃曰城頭土也 丙辰丁巳氣以成陽發生已過成齊未來乃曰沙中土也 庚午辛未氣當承形物以露彰有形有質有物可彰乃曰路傍土也 戊申己酉氣以歸息物當收斂龜縮退閑美而無事乃曰大驛土也 丙戌丁亥氣成物府事以美圓陰陽歷遍勢得其間乃曰屋上土也

歲德在○合在○

歲德者歲干德也甲丙戊庚壬陽德自處君子之立身行道也乙丁己辛癸從干合爲德者陰從陽婦從夫也如甲年其德在甲自處也已年其德亦在甲從夫也故甲巳德在甲乙庚德在庚丙辛德在丙丁壬德在壬戊癸德在戊此德神也用之主集福消殃

歲合者歲干合也甲年合在己乙年合在庚丙年合在辛丁年合在壬戊年合在癸己年合在甲庚年合在乙辛年合在丙壬年合在丁癸年合在戊此歲干陰陽之配合也用之主滅咎生祥

○○上宜修造取土

○上是歲德○上是歲合吉方也故是方修造取土最吉修是修方改換增飾動作之類造是開山新建創造等類取土是開掘取土之類

○曰得辛

自歲旦數去看第幾日是辛如初四日辛便是四日得辛如初七是辛便是七日得辛餘倣此是日祈穀祀上帝占候家以何日得辛占一年之水旱五穀田蠶之豐歉

○龍治水

自歲旦數去看第幾日是辰如初一辰便爲一龍治水如初五

是辰便爲五龍治水餘倣此亦惟占候家用之


年神方位之圖

吉凶神殺有從年起者有從月起者有從日從時起者此乃從年起之神殺其圖按九宮八卦二十四山佈成定位以便查覽如欲葬埋修造動作但查所用山方位上有何吉凶神殺詳其吉凶衰旺宜忌趨避之理而酌用之

是圖名二十四山用後天八卦方位加之以八干十二支共成二十四位先用羅經子午針格定南北以定二十四山真正方位然後入用

干不用十而用八以戊己二干屬土不居八方而居中宮也戊陽土寄乾巽己陰土寄坤艮

位方山四十二



子正北其卦為坎午正南其卦為離卯正東其卦為震
酉正西其卦為兌此四方正位不書卦而書支艮東北
巽東南坤西南乾西北此四方正位不書卦而書支
正四維既定則秩然八卦各奠其位矣于子午卯酉四

辛八干于乾坤艮巽四維位則左右輔
之以戊亥未申丑寅辰巳八支共成二
十四方位位雖二十有四其定卦維八
以統之也故壬子癸丑癸卯癸辰
卦也甲卯乙震卦也辰巽巳巽卦也丙
午丁離卦也未坤申坤卦也庚酉辛兌
卦也戊乾卦也亥乾卦也一卦三山所
別一卦中左右陰陽不同之氣也凡
物各有一太極大而六合九州即此八
卦方隅小而斗室尺地亦即此八卦方
數畝之地宅或數分一席之地亦皆有
所屬故云物物一太極凡埋葬修造動
宅先須格定此二十四位然後查用事
殺吉凶以酌趨避之宜

圖中吉凶神殺共三十二位

太歲	歲刑	歲破	歲殺	劫殺	災殺	太陰	奏書	博士
將軍	力士	官符	飛廉	大殺	金神	伏兵	大禍	破敗
病符	死符	小耗	大耗	喪門	弔客	五鬼	黃幡	豹尾
蚕官	蚕室	蚕命	畜官	白虎				

圖中神殺儼然邦國規模方位陰陽備具人情物理蓋太歲君而太陰后將軍力士博士奏書非佐理文武之臣乎蚕官畜官飛廉大殺非分曹任職之吏乎若乃宮室器用則黃幡豹尾蚕室將軍以著其象而物類昆蟲則蚕命白虎以兆其端況夫金神也則剛堅肅殺之機病符死符也凋落摧傷之候五鬼破敗大禍伏兵垂

庚之氣爲殃弔客喪門官符等煞人事之不祥已寓大耗小耗冷退之徵歲破歲刑亂臣之比至若歲劫三殺則又國之奸而爲惡最烈者也神雖三十有二理通人事無殊非通書不經之神廼五行自然之道造修埋葬趨避宜知動作遷更審詳毋忽

太歲

又曰歲君 卽太歲堆黃

氣化之運無有停機故立春前屬舊歲立春後卽屬新歲凡月日時之吉凶神殺星辰皆統於歲故曰歲君如百執之統於天子也太歲者卽本年之太歲也十二年一周人君之象也率領諸神統正方位幹旋時序總成歲功者也宜相和相合不宜犯之所在之處不宜修作動土安葬移居百事凶犯之損宅長 太歲可坐不

可向

其例如子年則子上是太歲丑年則丑上是太歲餘倣此

歲刑

歲刑者太歲所刑之辰也刑倣也

自刑

辰午酉亥各自刑其辰

無禮刑

子刑卯卯刑子

無恩刑

寅刑巳巳刑申申刑寅

恃勢

刑丑

戌刑未未刑丑

此五行生旺之氣恃強相刑其方忌

興工修造博戲爭訟犯之主爭鬪血光

其例如戌年則未上是歲刑卯年則子上是歲刑酉年卽是酉上是歲刑餘倣此

歲破

卽大耗

歲破乃太歲所冲之辰也 子午冲 丑未冲 寅申冲 卯酉冲 辰戌冲 巳亥冲 所在之方不可興工動土修作移徙嫁娶遠行安葬犯之傷宅長損財物更忌立倉庫莊廂置田產又損六畜 歲破可向不可坐 卽歲破之日亦不可修造動作

其例如丑年則未上是歲破末年則丑上是歲破酉年則卯上是歲破餘倣此

歲殺

卽的殺 一名人中殺 又名大禁

歲殺乃三合局之養位 寅午戌年在丑 巳酉丑年在辰 申子辰年在未 亥卯未年在戌 三合之首以墓覆之陰毒之甚者也如寅午戌火局之三合也而丑臨於寅之上使火之無光辰

加於巳使金之失色未之臨申使水之壅塞戌之臨亥使水之無生皆是殺也犯之主傷子孫六畜官災疾病失財

其例如子年則未上是歲殺戌年則丑上是歲殺餘倣此

劫殺一名害氣 一名殺氣

劫殺乃三合局之絕位 寅午戌年在亥水劫火也 亥卯未年在申金殺木也 申子辰年在巳火乾水也 巳酉丑年在寅木屈金也 犯之損人口招盜賊

其例如卯年則申上是劫殺丑年則寅上是劫殺餘倣此

災殺

災殺乃三合局之胎位 寅午戌年在子 亥卯未年在酉 申

子辰年在午

已酉丑年在卯

犯之主人財衰耗災生不測

其例如巳年則卯上是災煞亥年則酉上是災殺餘倣此

劫殺災殺歲殺謂之三殺者如寅午戌會火局也而亥子丑之水不附焉乃恃水而剋火以賊劫其歲而亥孟神也劫之始也子仲神也災所由興也丑季神也藏奸而為歲君之難者也故曰三殺如亥卯未則從亥至未而申酉戌不在合內者矣申子辰從申至辰而已午未不在合內者矣巳酉丑從巳至丑而寅卯辰不在合內者矣金以犯木火以乾水木以屈金如羣盜為黨而劫其君也然合三殺之中仲神主之孟神始之季神藏而合之者也

劫災的三殺此通天竅相尅之位也如申子辰年會水殺在南方巳午未初為劫殺言其驟也中為災殺言其傷也未為的殺言其決也殺同而取義異耳

太陰

太陰自子年起戌順行十二辰在太歲之後二辰謂之歲后即貴

人後二位之太陰也有后妃之象焉統領陰教總御羣靈所在之地不可興工動土修造移徙向之損陰人小口招陰私之厄惟履之以學道則吉 歲在四孟與大將軍合於四仲名曰羣醜天地凶殃必在羣醜者是也

其例如戌年子上是太陰午年辰上是太陰餘倣此

奏書

奏書者乃歲之吉神天之掌記以四序五行論在冠帶臨官之間有臣述職之意居於歲後之四維所以輔佐太歲而掌諫諍之任者也故曰奏書初起於乾者順天之道陰德之義出天門而理政也 亥子丑年在乾 寅卯辰年在艮 巳午未年在巽 申酉

戌年在坤 其方不宜穿掘修營向之極吉候歲天道天月德同到泥飾大利

其例如寅年則艮上是奏書酉年則坤上是奏書餘倣此

博士

博士常居奏書之對奏書治政於內博士綱紀於外掌天子明堂政治之神也故起於巽之明堂也居四維而不中者謙而不敢自揣所以維持天子坐鎮四隅者也以四序五行論凡在墓絕間曰博士有出潛龍見之意 向之最吉其宜忌與奏書同

其例如卯年則申上是博士午年則乾上是博士餘倣此

大將軍

大將軍四序五行之敗方也因其敗而謂大將軍臨焉借意立名也 亥子丑年在酉 寅卯辰年在子 巳午未年在卯 申酉戌年在午 其德

忠直常居四正三年一易統領戰伐常居太歲之後而統御其武事焉忌修造動土百事背之吉若抵向犯之周年內損人口惟修飾無妨 按索圖星殺考此金神之精若與三殺歲刑等凶會於一處名曰羣醜凶不可言

其例如戌年則午上是將軍未年則卯上是將軍餘倣此

力士

力士者威刑殺戮之神也以四序五行論居病死之間曰力士蓋反名以振之故犯之者主瘟疫之災手足損傷之患 亥子丑年

在艮 寅卯辰年在巽 巳午未年在坤 申酉戌年在乾 常

在歲前爲羽林護衛之將居四維又乃四金之庫故有力士之象

其例如丑年則艮上是力士申年則乾上是力士餘倣此

官符 畜官

同又名地官符死炁官符縣官符 一名牢獄

官符自歲君本位起長生至五位則旺而爲官符也四利三元以本支起建數至定位是例同也三所當趨五所當避其義本此提則以子年起辰順行十二辰是也此興工動土開山立向修造犯之主口舌是非官災牢獄刑禁橫禍妨小口六畜而飛宮尤不可犯若犯山頭官災自內發若立向修方官災自外來

其例如酉年則丑上是官符

亦是畜官

丑年已上是官符

亦是畜官餘倣此

飛廉

一名飛廉大殺

卽月凶大殺

飛廉歲之廉察使也子年子月在申丑在酉寅在戌者子丑寅陽水之將終而金氣助之也卯辰巳年月萬物之發生也而用巳午未之火以暄之午未申年月萬物之將成矣而用寅卯辰之木以助之酉戌亥年月而歸北方亥子丑以斂之其起于四正之辰者廉察無私之義也 捷訣子午寅申丑未年 遁尋成位是飛廉卯酉巳亥辰戌歲 但逢滿位此神占 曰大煞者子丑寅陽氣之初而有酉金之肅氣卯辰巳陽氣雖長而過于巳午未之發生午未申乃萬物之將成而反有東方寅卯辰之戰金酉戌亥乃萬物之始斂而乃遇亥子丑之寒凝故曰煞也 其方忌起造動土

移徙嫁娶百事不宜犯之主公事

其例如寅年則戌上是飛廉戌年則子上是飛廉餘倣此

大殺一名霹靂火

大殺灾殺之對宮乃三合居中之辰將星之位歲中之刺史也

申子辰年在子 己酉丑年在酉 寅午戌年在午 亥卯未年

在卯 犯之主官刑傷人財防殺傷之禍

其例如辰年則子上是大殺丑年則酉上是大殺餘倣此

金神

金神乃白虎之神以本年五虎遁遇庚辛所臨之支爲天金神遇納音屬金之干支爲地金神曰七煞者從甲至庚爲七也主兵戈

喪亂之事忌動土修方併主患目 甲巳年午未申酉方庚午辛未天金

神 壬申癸酉地金神

乙庚年辰巳方庚辰辛巳天金神同位 丙辛年寅卯午未子丑

方

庚寅辛卯庚子辛丑天金神 甲午乙未地金神

丁壬年寅卯戌亥方壬寅癸卯地金神 庚戌辛亥

天地金神同位

戊癸年申酉子丑方庚申辛酉天金神 甲子乙丑地金神

其例如庚年則辰巳二方是金神巳年則午未申酉四方是金神

餘倣此

伏兵 大禍

伏兵大禍夾于却殺突殺的殺之間其干爲伏兵大禍所謂三殺在支伏兵大禍在干是也寅午戌在壬癸水剋火也亥卯未在庚辛金剋木也申子辰在丙丁火乾水也巳酉丑在甲乙木屈金也

陽爲伏兵陽之灾來緩也故主有暗傷陰爲大禍陰之禍烈也故遇凶無解二神犯之皆主立有灾咎

其例如午年則壬上是伏兵癸上是大禍餘倣此

破敗五鬼

破敗五鬼五行之精氣也主虛耗之事尤忌修造 其例看納甲五行本年干屬於何卦其卦所對冲者是也蓋冲破納甲之辰也如乾納壬甲冲乾者巽也坤納乙癸冲坤者艮也艮納丙冲艮者坤也兌納丁冲兌者震也離納己而已年在坎坎納戊而戊年在離震納庚而兌冲之巽納辛而乾冲之故曰破敗也曰五鬼者八卦不外干五行也 甲年巽 乙年艮 丙年坤 丁年震 戊

年離 己年坎 庚年兌 辛年乾 壬年巽 癸年艮

其例如乙年則艮上是破敗五鬼辛年則乾上是破敗五鬼此餘做

病符

病符即舊太歲也在歲後一辰即閉位病而老廢于家者也與帝輅同犯之主疾病損人招瘟疫

其例如子年則亥上是病符卯年則寅上是病符餘倣此

死符 小耗

死符以其居時令之絕地故曰死符歲前五辰執位取之 大小耗皆虛耗之神遇破爲大耗而遇執則爲小耗焉故小耗與死符同例蓋執吝者亦漸耗也犯之有亡遺之事或損六畜血財其方

不可造倉庫一云止忌修方

其例如辰年則酉上是小耗亦是死符亥年則辰上是死符亦是小耗餘倣此

大耗

大耗居歲冲之位與歲破同歲破有不大耗其財損其人乎其例如丑年則未上是耗戌年則辰上是耗餘倣此

黃旛 豹尾

黃旛太歲之墓也卽三合局之墓位其色黃旛旗也各居季土之地土色黃故曰黃旛亦爲歲君庫藏而曰華蓋黃旛所指隨而變之動靜疾速如豹尾然豹尾卽今之豹尾鎗也

洞原經黃幡時出乎軍中蓋張于庫上是也豹尾則居黃幡之冲

虎賁之象先鋒之將也黃幡後坐豹尾前陳此之謂歟 寅午戌年在戌 申子辰年在辰 巳酉丑年在丑 亥卯未年在未 其對冲之位卽豹尾 皆忌動土取土開門嫁娶納財收畜及作百事主損小口六畜豹尾方尤忌納有尾之畜

其例如寅年則戌上是黃幡對冲辰上是豹尾餘倣此

蚕官

蚕官者司蚕之官也 亥子丑年在未 寅卯辰年在戌 巳午未年在丑 申酉戌年在辰 蓋土神者養神也居歲之前而養育之居蚕室之後而司理之者也况季土之神桑柘之所產也

犯之損蚕桑大忌春間修作更凶

其例如申年則辰上是蚕官辰年則戌上是蚕官餘倣此

蚕室

蚕室乃將軍之妻在將軍後三辰與力士對冲之位主絲蠶綿帛之事季春之月后妃躬蚕以供祭服而蚕室乃起于坤者爲卦老陰而母象也又蚕者火也四維者土之庫也火土之生生也所以巡行于四維也亦所以泄火蚕之氣也 四隅者立極之地也天子萬幾非奏書何以通知其事理非博士何以詳考其利弊非力士何以無事爲農而有事爲兵非蚕室何以繅爲衣服而主爲祭祀故奏書博士力士蚕室必居四維有至理存焉

亥子丑年坤 寅卯辰年乾 巳午未年艮 申酉戌年巽

犯之損蚕桑春間修作犯之尤不宜主年年損蚕

其例如丑年則坤上是蚕室午年則艮上是蚕室餘倣此

蚕命

蚕命蚕之命也 子年在未 丑年在午 寅年在亥 卯年在

戌 辰年在巳 巳年在丑 午年在寅 未年在申 申年在

卯 酉年在辰 戌年在子 亥年在酉 犯之損蚕桑

其例如午年則寅上是蚕命丑年則午上是蚕命餘倣此

喪門 弔客

喪門弔客主死喪哭泣之事百事並凶更不宜行喪葬埋主招哭

泣之事喪門在歲前二辰太歲之轅門也弔客在歲後二辰歲君之賓客也卽貴人前二朱雀後二太陰之位也前二後二與太歲不和也如子年水也前二寅後二戌合成火局而水火不和矣丑年三合金也前卯後亥之木局而受金之克矣寅年三合火也前辰後子之水局而犯歲君矣卯木則巳丑之金辰水則寅午之火巳金則卯未之木午火則申辰之水未木則巳酉之金申水則午戌之火酉金則未亥之木戌火則申子之水亥木則酉丑之金皆與太歲克者有不喪亡哭泣者哉

其例如丑年則卯上是喪門亥上是弔客如戌年則子上是喪門申上是弔客餘倣此

五鬼

五鬼子年起辰逆行十二辰辰爲天罡而逆行以爲虛耗之殺也
犯之主虛耗失財病祟 如值歲月合日祭祀修福助之吉
其例如戌年則午上是五鬼巳年則亥上是五鬼餘倣此

白虎

白虎居歲後四辰連歲數之後五之凶神也若以貴神論之後五
白虎宜于子年起未順行十二辰今從申起者以申位有參甬之
白虎也主喪服兵凶百事忌

其例如亥年則未上是白虎卯年則亥上是白虎餘倣此

空

此方位無吉凶神殺所占是空位也故曰空

黑赤白

一白位坎休門屬水

二黑位坤死門屬土

紫黃白

三碧位震傷門屬木

四綠位巽杜門屬木

綠碧白

五黃居中——屬土

六白位乾開門屬金

八白位艮生門屬土

七赤位兌驚門屬金

九紫位離景門屬火

此年神方位圖中央所列之紫白九星也出于洛書戴九履一左
三右七二四爲肩六八爲足五寄中宮禹王因其敘以成九疇蓋
河圖圓洛書方圖者天體星也紀歷之數兆于河圖方者地體土
也畫州井田之法倣于洛書

飛宮掌



掌中按指節排布九宮順飛則從
中五次乾六再次兌七以及艮八
離九坎一坤二震三巽四按其順
數而行逆飛則從中五次巽四又
次震三以及坤二坎一離九艮八
兌七乾六按其逆數而行餘倣此

九星次序一白

八白

二黑

三碧

四綠

五黃

六白

七赤

三元年白起訣

六十年為一元一百八十年為三元
十三年甲子為上元

今康熙二

上元一白起甲子

上元甲子年起一白挨歲按訣逆加九星則乙
丑年九紫丙寅年八白餘年做此推尋

中元四綠却為頭

中元甲子年起四綠挨歲按訣逆加九星則乙
丑年三碧丙寅年二黑丁卯年一白餘例推

下元七赤兌方發

下元甲子年起七赤挨歲按訣逆加九星則乙
丑年六白丙寅年五黃逐年照此例求自得

逆尋年分把星流

並逆布九星看用事年分得何星其所得之星
即值年星也

假如上元丙寅年欲求九星所占方位圖則以八白值年星

上元
丙寅

年八白是
值年星

加入飛宮掌中宮按星之次序從乾從兌順飛出八方

則知乾上是何星兌上艮上及餘宮是何星而九宮所占之紫白

皆得矣但歷上無中宮八卦寫出要知九字之居中者為中宮左

下角字是艮位 右下角字是乾位 左上角字是巽位 右上角字是坤位 其餘例推自明 假如今上元庚子年起九星訣係上元一白起甲子則乙丑九紫丙寅八白丁卯七赤按訣逆加九星于逐年則庚子年係一白是值年星以值年一白星入中宮按法順飛出九星則二黑在乾右下角 三碧在兌右行中 四綠在艮左下角 五黃在離中行上 六白在坎中行下 七赤在坤右上 八白在震左行中 九紫在巽左上 所以上元庚子年九星方位圖是後式

上元庚子年年
神方位圖中間
紫白九星八卦
九宮圖是此局

紫 巽位	黃 離位	赤 坤位
白 震位	白 宮中	碧 兌位
綠 艮位	白 坎位	黑 乾位

凡開山立向修方安門入宅定磔得三白九紫到方位忌將軍太歲大小耗官符及作主本命行年諸凶煞不能爲害故修造必先合紫白方位爲第一務

右各神所臨之地惟奏書博士宜向之

右各神乃上年神方位圖內三十二位之神也所臨之地謂所到之宮位也內惟奏書博士二神卽歲之喜神方也故宜向之吉

餘各有所忌

餘者除奏書博士二吉神之外尚有三十位神殺其中有忌起造者有忌修方者有忌葬埋者有忌動土者有忌修方而无忌起造葬埋者有忌起造而无忌埋葬修方者亦有忌修无忌葬而忌動

土更有忌葬不忌造而忌修方參互錯綜宜忌不同故曰各有所忌
若有破壞須修營者

此言屋宇損破須修作整飾之謂即修方之類非起造之事也

以天德歲德月德天德合歲德合月德合天恩天赦母倉所會之辰

此九位吉神每月必值日以主福慶嘗有數吉併聚會于一辰之

時辰者即每日所值之辰也擇用此日最吉

或各神出遊曰併工修營無妨

此言或者若修作之事不可緩而上之九位吉神又一時不可得即擇各神出遊之日用之雖不能召吉亦可免災故曰或各神出遊日其太歲已下神煞出遊之日逢子則出遊逢巳則還位各計

五日遊一方若所出遊之五日內任作無忌故須併工修作若不併工延至五日外則各神還位不吉矣故曰併工修營無妨併工其匠工以數日之事而以一日爲之也其太歲已下神殺出遊日本歷之末有例可查今更詳其說于後

天德

正丁二坤

中

宮

三壬四辛同

五乾

亥

六甲上

七癸八艮

寅

逢九丙十居乙

子

十一月

巽巳

丑十二月

庚中

天德日宜興工動土修營拜封上表上官赴任造葬移居求財出行市價結姻藏胎衣百事俱吉 天德值日固吉而所占之方爲尤吉蓋此方爲陰陽開通福德之地其所宜用之事皆與上值日

之所宜同

其例如正月節氣內逢丁日卽是天德所值之日二月逢申日卽是天德所值之日餘倣此

歲德

年干

甲乙丙丁戊己庚辛壬癸 直看年橫推日

甲庚丙壬戌甲庚丙壬戌
日日日日日日日日

宜上官赴任百事吉

其例如甲年不拘何月但逢甲日卽是歲德值日餘年倣此

月德

寅午戌月在丙 申子辰月在壬 亥卯未月在甲 巳酉丑月在

在庚 皆取四旺處爲月德之地也干尊支卑以三合本卦之陽
干爲德者尊君德而政惠逮下也 此陰陽同類異位之德亦名
生氣福德之辰所在之方萬福咸集宜拜封上表謁貴求賢上官
赴任修造動土埋葬嫁娶移徙出行納財市賈立券交易買畜百
事吉用其所值之日用其所占之方其吉同

其例如二月係卯月則月德在甲甲日爲所值之日甲方爲所占
之方餘倣此

天德合

本歷末二五八十一月不取因此四月分天德係坤乾艮巽
無能取合故也今復錄舊例者深明時俗以支強合之謬也

正壬

二巳

世俗謬以巳合
天德坤中之申

三丁

四丙

五寅

謬以寅合
乾中之亥

六巳

七戌

八亥

謬以亥合
艮中之寅

九辛

十庚

十一申

謬以申合
巽中之巳

十二乙

此天德所合之干故曰天德合營爲百事皆吉惟忌詞訟
其例如四月節內逢丙日卽是天德合所值之日餘做此

歲德合

年干

甲乙丙丁戊己庚辛壬癸 直看年橫推日

己乙辛丁癸己乙辛丁癸
日日日日日日日日

其例如庚年不拘何月逢乙日卽是歲德合值日又如辛年不拘
何月逢辛日卽是歲德合值日餘做此主百事吉

月德合

寅午戌月在辛 亥卯未月在己 申子辰月在丁 巳酉丑月
在乙 此五行生炁之辰相扶爲福所值之日所在之位百事皆

吉可以拜封上官遠行結婚修造動土祭祀開張移居納財畜市
買種植並吉惟忌詞訟

其例如五月節氣內逢辛日卽是月德合值日蓋五月月德在丙
丙與辛合故五月內之辛日卽月德合也餘倣此

天恩

甲子 乙丑 丙寅 丁卯 戊辰 己卯 庚辰 辛巳

壬午 癸未 己酉 庚戌 辛亥 壬子 癸丑

自甲子至戊辰五日天數五也自己卯至癸未五日地數五也自
己酉至癸丑五日共三五一十五河洛之交數也自甲己起者用
爲首出庶物帝出乎震者也己爲甲配后德之象坤土之位助甲

以成功者也用子者天子居北而南面以聽政也卯酉者日月之門也故起于甲子已卯已酉而不起于甲午者南面係奉書之位天空之方臣下朝聘之位天子不北面也故是日宜覃恩頒赦上官叅選受封行禮嫁娶造葬入宅裝塑佛像並吉

其例不拘何月但逢上所列干支卽是如六月初五日癸未其日卽是天恩值日也餘倣此

天赦

春戊寅 夏甲午 秋戊申 冬甲子

甲爲干德之首戊爲干德之中子午爲陰陽之正寅申爲陰陽之成皆天地中正之氣故天寶曆曰陽盛于寅陰盛于申陽生于子

陰生于午皆四時生旺之氣而無天枉者也春秋以戊土助其旺
冬夏以甲木布其仁故曰天赦也天赦其罪而不傷害之乃赦過
宥罪之神也內惟五月甲午十一月甲子雖是天赦却與天地轉
殺日同加以月建壓動凡修造動土等事當酌用
其例如立春節後九十日內遇戊寅日卽是天赦夏秋冬倣此取

母倉

春亥子 夏寅卯 秋辰戌丑未 冬申酉 四季土王後巳午

生我者曰母滿而實曰倉生我而積滿者也故曰母倉此正五行
之母也如春爲木亥子生之夏爲火寅卯生之秋爲金辰戌丑未
生之冬爲水申酉生之四季爲土巳午生之

宜起造婚姻受官移居交易作倉庫百事吉

其例如立夏節後至土王日之前七十二日內遇寅日卯日皆是

母倉日餘春秋及土王後同此類推

各神出遊日

即本歷後太歲已下神煞出遊日

甲子 乙丑 丙寅 丁卯 戊辰

此五日出
東方遊

宜修
方吉
南西北

丙子 丁丑 戊寅 己卯 庚辰

此五日出
南方遊

宜修
西方吉

庚子 辛丑 壬寅 癸卯 甲辰

此五日出
西方遊

宜修
吉
東南方

壬子 癸丑 甲寅 乙卯 丙辰

此五日出
北方遊

宜修
方吉
東南西

戊子 己丑 庚寅 辛卯 壬辰

此五日出
中宮遊

四方修造
皆可

各神還位日

己巳 庚午 辛未 壬申 癸酉 甲戌 乙亥 七日還東

辛巳 壬午 癸未 甲申 乙酉 丙戌 丁亥 七日還南
乙巳 丙午 丁未 戊申 己酉 庚戌 辛亥 七日還西
丁巳 戊午 己未 庚申 辛酉 壬戌 癸亥 七日還北
癸巳 甲午 乙未 丙申 丁酉 戊戌 己亥 七日還中
例以子日出遊巳日還位陽生于子終于巳也曰出遊者陽氣行
遊而陰氣不敢用事也甲子東丙子南庚子西壬子北戊子中各
從其千方也

凡一切修造動土候太歲諸神出遊日用工如還位日忌修作所
占處若出遊之方忌修營掘鑿

其例不論年分四時節氣但逢甲子乙丑等二十五日是各神出

遊在外可以修作若動作合得宜修之方更妙然出遊之方又不可犯之假如丁丑日是各神出遊日可以修作若所修之方是西更妙若是東是北雖亦可用再合得數吉星方穩然是日南方則不可修蓋丁丑日各神所遊是南方也

○○歲各省太陽出入晝夜時刻

各省序次悉依北極高度定緯所列

每日一晝夜十二時共九十六刻

按古法則一晝夜共百刻

四時無所增減晴

雨未嘗盈縮雖晝夜有長短之不同亦惟于九十六刻推移其間自開闢至今永定不變獨太陽出入遲早與晝夜長短則有不同而于各省則尤不同蓋測太陽出入晝夜長短時刻秉之極星出地高低定緯所列因天體渾圓而各省之地有偏東偏西偏南偏

北距極遠近之不同故太陽出入亦有遲早之不同晝夜時刻亦有長短之不同也

晝夜長短遞遷繇于日行南陸北陸故日在南陸而寒晝短日在北陸而燠晝長然二至短長互相易夏至之晝爲冬至夜冬至之

晝爲夏至夜假如冬至晝三十八刻三分則夏至夜亦三十八刻

三分夏至晝五十七刻六分則冬至夜亦五十七刻六分此定例也

景 山 西

山東朝鮮

河南陝西

江 南 湖 廣

浙江四川

江 西

福建廣西

貴 州 雲 南 廣 東

本朝定天下爲兩京

京師直隸盛京即遼東

十四省

江南陝西

山東浙江

山西江西

河南湖廣

福建四川

廣東貴州

廣西雲南

兩京十四省之外朝鮮亦在同文之內故與

焉按朝鮮周爲箕子所封之國卽高麗也屬遼東外徼

京師直隸順天府都城之地也其節氣時刻已見于開卷首頁其太陽出入晝夜時刻已載于每月內每日條下不並列于外省者重王畿之省也

假如江南一省欲查本省太陽出入遲早晝夜時刻長短但看直行內江南二大字按月按日橫推自得餘倣此江南省不得誤認盛京之太陽出入晝夜時刻盛京不得誤認山西省之太陽出入晝夜時刻盛京十四省不得誤認每月內每日下都城直隸之太陽出入遲早晝夜時刻此最易明之事而人忽之嘗見各省人查太陽出入晝夜時刻不按本省查而在每月每日條下查用則誤

以順天之太陽出入晝夜時刻而爲本省之太陽出入晝夜時刻

矣各省則大字直行明列于首
前列八省後列八省

日出日入晝刻夜刻小字橫列于上欲知某省某月時刻縱橫查
之卽得真正時刻假如江南省欲知日出入及晝夜長短先看首
行江南二大字橫查去卽知某月某日日出入及晝夜長短之

時刻

正月 日出

初 日入

○ 晝刻

日 夜刻

初 日出

○ 日入

日 晝刻

夜刻

上頂格橫列月日次序順看
下底格橫列月日次序逆看

上頂格橫列正月初○日之日出日入
晝刻夜刻長短遲早與下底格橫列九
月二十○日之日出日入晝刻夜刻長
短遲早同

十

二十○日 月初○日

日 ○ 初 日 ○ 初 月 日 ○ 十 二 日 ○ 十 二 日 ○ 十
 夜 晝 日 日 夜 晝 日 日 夜 晝 日 日 夜 晝 日 日
 刻 刻 八 出 刻 刻 八 出 刻 刻 八 出 刻 刻 八 出 刻 刻 八 出

其餘各月分看法俱照此例
 本日日出入晝夜時刻其後六日皆同
 其上頂格之各月初 ○ 日十 ○ 日二十
 ○ 日與下底格之初 ○ 日十 ○ 日二十
 ○ 日諸日期每年移前趨後各有參差
 不同之時不可以定例求
 內下底格大字書夏至冬至並列者以
 此二日日出入晝刻夜刻互換相同
 而絕無纖毫之異過此二日則漸有伸
 縮之不侔矣故夏至晝刻長短分數即
 冬至夜刻長短分數冬至晝刻長短分
 數即夏至夜刻長短分數冬至日出辰
 之刻數即夏至日入戌之刻數夏至日
 出寅之刻數即冬至日入申之刻數此
 日之出入互換晝夜長短互換故大書
 夏至冬至並列以明之

九

二十 ○ 日 月 初 ○ 日 初 ○ 日 十 ○ 日 二十 ○ 日

每歲太陽出入晝夜刻分前後

前謂正二三四五項格月分之類後謂六七八九十底格月分之類

各

有相同之曰

如辛丑年二月十一日同八月初七日同十月初七日同十月初七日之類

而天體渾圓諸

方也

各省

太陽出入晝夜刻分又自不同故將刻分相同之曰

即前上項格正

月初○日同十寸

書于格之上下

上即格之上乃上項格橫寫順看月初○日之類

以便省覽而又明列各省于首直行

首行直看大字

欲知某省某月時刻縱

橫查之即得真正時刻

渾天言天地如鳥卵天包地外如卵白地在天中如卵黃周天三

百六十五度四分度之一半在地上半在地下南北有樞極旋轉

斜倚地中北極出地三十六度半南極入地三十六度半兩極之

中處爲赤道如帶繫天之中日月星辰俱斜轉上下爲晝夜出入、

黃道爲冬夏大略如是

○○歲各蒙古太陽出入晝夜時刻

各蒙古序次悉依地圖北極高度定緯所列

各蒙古皆在車書一統之內故頒朔亦及焉但其所居之處亦如中國各省南北東西相距遠近之不一故悉依地圖測北極出地高下緯度以定太陽出入之時刻晝夜長短之時刻亦同中國之分測法也

本朝厚德配天凡有血氣者莫不尊親故各蒙古問風向化者歲有所增月有所加今皆不及詳錄

每歲太陽出入晝夜刻分前後各有相同之日而天體渾圓諸方太陽出入晝夜刻分又自不同故將刻分相同之日對書于格之上下

以便省覽而又明列各蒙古于首直行欲知其蒙古某月時刻縱橫查之卽得真正時刻

說已見前則兩京十四省此則各蒙古其直看各蒙古地方大字橫推太陽晝夜刻分小字其法皆同

○歲各省節氣時刻

各依序次悉依地之經度所列

各省所在地方或東或西或南或北或上下參差相距遠近不侔然雖幅員之內各有分野地之經度所屬上合之以太陽躔度蓋太陽之出入于赤道也南二十三度半而冬至北二十三度半而夏至內外不異而往來有漸每日所躔因其在所出地高低以推在所節氣時刻故各方節氣非在一時也雖在一時而刻數有初

正之先後也卽以冬至喻之如京師冬至在卯時向東之地爲辰
愈東必且爲巳矣向西爲寅愈西必且爲丑矣又如雲貴地方之
各節氣俱早于他省較之江浙所在俱早一時而至

朝鮮 盛京

福建 浙江

江南 山東 江西

河南 湖廣

廣東 山西

廣西 陝西

貴州 四川 雲南

盛京十四省中內有兩省併合並書者其節氣相同也 都城順
天府之節氣已見于前故此不列其查看法先尋直行大字省分
地方然後橫推查其節氣時刻分數

立春 雨水 驚蟄 春分 清明 穀雨 立夏 小滿 芒種
夏至 小暑 大暑 立秋 處暑 白露 秋分 寒露 霜降

立冬 小雪 大雪 冬至 小寒 大寒

四立者四時之節氣也丑之終寅之始則爲節月之半則爲中二分者陰陽相半之謂也二至者至有二義子至巳爲六陽午至亥爲六陰至者介乎巳午亥子之間也冬至亥陰極故曰子子止也陽于此生故亦曰至夏至巳陽極故曰午午忤也陰于此生故亦曰至自秋分水始涸立冬水始冰冬至水泉動大寒水澤腹堅爲今之雨水者先是爲露爲霜爲雪皆水氣凝結以至于寒之極春則暑氣順行而又爲暑之始也况天一生水人物之生皆始于水春屬木木生于水立春後繼以雨水宜也卦氣正月爲泰天氣下降當爲雨水二月大壯雷在天上當爲驚蟄先雨水而後驚蟄亦

宜也驚蟄者萬物出乎震震爲雷也清明者萬物齊乎巽巽爲風也巽潔齊而曰清明清明乃潔齊之義穀雨三月中自雨水後土膏脉動至此又雨則土脉生物所以滋五穀之種也小滿四月中先儒云小雪後陽一日生一分積三十日生三十分而成一晝爲冬至小滿後陰生亦然夫四月乾之終謂之滿者姤初六羸豕孚蹢躅坤初六履霜堅冰至羸豕喻其小蹢躅喻其滿履霜喻其小堅冰喻其滿易言于一陰旣生之後書言于一陰方萌之初慮之深防之預也小雪後有大雪此但有小滿無大滿意可知矣至若三月中穀雨五月中芒種此二氣獨指谷麥言谷必原其生之始谷種于春得木之氣殘于秋金剋木也麥必要其成之終麥種于

秋得金之氣成于夏火剋金也六月節小暑六月中大暑夏至後暑已盛不當又謂之小殊不知易曰寒往則暑來暑往則寒來寒暑相催而歲成焉通上半年之半皆可謂暑通下半年之半皆可謂寒正月暑之始十二月寒之終而曰大暑小暑者不過上半年辭耳六月中暑之極故謂大然則未至于大則猶爲小也七月中處暑七月暑之終寒之始大火西流暑氣于是乎處矣處者隱也藏伏之義也白露八月節寒露九月節秋本屬金金色白金氣寒白者露之色寒者露之氣先白而氣始寒固有漸也九月霜降露寒始結爲霜也立冬後曰小雪大雪寒氣始于露中于霜終于雪霜之前爲露露由白而始寒霜之後爲雪由小而至大皆有漸也

至小寒大寒幽風云一之日麇發二之日栗烈麇發風寒故十一月爲小寒栗烈氣寒故十二月之終爲大寒也大抵合而言之上半年主長生日雨曰雷曰風皆生之氣下半年主生成曰露曰霜曰雪皆成之氣下半年言天時不言農時農時莫急于春夏也先儒曰變者化之漸化者變之成立春雨水後寒氣漸變至立夏則寒盡化爲暑矣小暑大暑其化固有漸也立秋處暑後暑氣漸變至立冬則暑氣盡化爲寒矣小寒大寒其化亦有漸也

右節氣各有諸方不同之數橫列于上欲知某省某節時刻縱橫查之卽得真正時刻

各節氣諸方不同之說已見于前所謂數者時之某刻某分之數

也橫列于上自立春至大寒皆大字頂格順排以列于上也欲知某省某節時刻先看第一直行大字省分所謂縱也然後橫推看所查某節之下時刻所謂橫也

每十五分爲一刻各省俱依省城所定

一晝夜分十二時一時各八刻一刻十五分積十二時得九十六刻計分得一千四百四十分一省必有一省之省城省城一省之中也故定各省之節氣必以省城爲主

○○歲各蒙古節氣時刻

各蒙古序次悉依地圖地之經度所列

右節氣各有諸方不同之數橫列于上欲知其蒙古某節時刻縱橫查之卽得真正時刻每十五分爲一刻俱依蒙古居處所定

說已見前各省條內

各蒙古住牧邊外

本朝分爲四十九旗自關東海遼直至正北自正北接着正西自正西接着西南自正北而言其地界以黑龍江爲北界又名烏龍江卽古之所謂鴨綠江也鴨綠江之北阿羅蘇住之江北一大山名牙撒以山頂分水爲界水往南流中國之山也水向北流阿羅蘇之山也前漢朝刻字分界于山頂之上今亦仍舊總見

本朝德盛溥博徧及遐方因并記之

正月○建○寅

易說卦帝出乎震故以歲之三月曰正月正本音去聲之切秦始皇名政改從平聲後世因之寅津也謂生物之津塗也

天開于子地闢于丑人生于寅斗柄建此三辰之月皆可以爲歲首而夏商周迭用之夏以寅爲人正商以丑爲地正周以子爲天正然時以作事則歲月自當以人爲紀故孔子云行夏之時周書曰萬物春生夏長秋收冬藏天地之正四時之極不易之道夏數得天百王所同是以千古取其時之正而以正月建寅爲歲首永不易也

正月大小有不同之時而建寅則永無改易其所加寅上之干則

每年一易五年而仍還其原干要知每年正月是何建干但以五
虎遁年上求月取之

五虎遁例見後

○○○曰○○○○刻立春正月節

立春爲正月節氣所云某日某時某刻者乃交立春節之時刻也
凡立春時刻之前尚屬舊年十二月節氣所轄蓋諸月家吉凶神
煞及七十二候皆從本月節起不從本月朔起故凡屬正月不從
正月朔起必從立春節起也假如正月初一日正直立春則無參
前落後之分今立春不在初一而在初六則正月初一至初五尚
作舊年十二月節氣主事此則節未至而朔先到者也又如舊年
十二月十八立春則十八日卽作新年正月節主事凡正月神煞

七十二候亦皆從十八日起此則節先超過本月朔朔未至而節先到者也故立春在舊年十二月者書上有年前二字

大寒後十五日斗指艮爲立春立始建也春氣始至故謂之立也後十五日斗指寅爲雨水雨水中氣也言雪散爲雨水矣

天道南行宜向南行宜修造南方

天道乃天體運旋之氣正月節內行于南方而人趨向其方及修造此方所謂順天之道乘時之氣自獲吉應

天德在丁月厭在戌月殺在丑月德在丙月合在辛月空在壬

此六位所占之方位年年正月節內永定不移內惟天德月德月合月空乃吉神月厭月殺是凶煞

因辛壬上宜修造取土

丙上有月德辛上有月合壬上有月空此三方吉神所占故宜修造取土

是月也

東風解凍

立春上五日

魚陟負冰

立春下五日
陟音職升也

候鴈北

雨水
中五日

蟄蟲始振

立春中五日

獺祭魚

雨水上五日

草木萌動

雨水下五日
萌草芽也

東風谷風也凍結重陰得東風發散之氣而凍自解陽和初復則物之藏于密者始起而振動潛于深者咸升而負冰魚至雨水上候則肥美可食矣必先祭之而後取之此獺之不忘其本也雁自南而北以反其居應其候也天氣下降地氣上騰陽氣蒸動故草

木萌動

○○日○○○○刻後曰躔音蟬訾之次音疽

雨水爲正月中氣所云某日某時某刻乃交雨水之日時刻也後者自交雨水時刻起至次月春分中氣時刻前皆屬日躔訾之次是後字管轄兩節氣共三十日也亦有三十以外有零之日然其義則同躔歷也日運爲躔又星之躔次星所履行也訾亥宮也次次舍也言日次舍于亥宮也

宜用甲丙庚壬時

甲時 寅正三刻至卯初二刻 丙時 巳正三刻至午初二刻
庚時 申正三刻至酉初三刻 壬時 亥正三刻至子初二刻

黃白紫

子午卯

黑赤白

辰戌丑

白綠碧

寅申巳

碧白綠

酉上元

紫黃白

未申元

白黑赤

亥下元

赤白黑

年正月
是此局

綠碧白

年正月
是此局

白紫黃

年正月
是此局

此月家紫白九星立成上中下三元年分正月定局之圖也假如

甲子年正月子年是上元年分則九星圖是上元第一局又如壬

寅年正月寅年是下元年分則九星圖是下元第三圖餘倣此起

例吉凶
詳後

二月○建○卯

二月大小有不同之時而建卯則永無更易 卯茂也言陽生而

孳茂也

○○○曰○○○○刻驚蟄二月節

驚蟄是二月節某日某時某刻者交驚蟄節之時刻也未交驚蟄時刻之前尚屬正月節氣主事凡諸二月內吉凶神煞及七十二候皆從交驚蟄日時之後起

雨水後十五日斗指甲爲驚蟄言蟄蟲震起而出也後十五日斗指卯爲春分分半也當春分九十日之半也又曰陽也夜陰也故陽長而陰消則日長夜短陰短則陽消故日短夜長皆非陰陽之中也夫陽生于子終于午至卯而中分陰生于午終于子至酉而中分故春爲陽中而仲月之節爲春分秋爲陰中而仲月之節爲秋分春秋之分則陰陽適中而日夜無長短之差故于其月每言

日夜分也夏冬不言分者天地二氣而已陽生子極午卽其中分故言至不言分也

天道西南行宜向西南行宜修造西南維

天道乃天體運旋之二月節內行于西南維而人趨向其方及修造此方所謂順天之道乘時之氣自膺多福維方隅也乾坤艮巽爲四維坎離震兌爲四正

天德在坤月厭在酉月殺在戌月德在甲月合在巳月空在庚

此六位所占方位年年二月節內永定不移內惟天德月德月合月空乃吉神月厭月殺是凶煞

甲巳庚上宜修造取土

甲上有月德已上有月合庚上有月空此三方吉神所占故宜修造取土

是月也

桃始華

驚蟄上五日

倉庚鳴

驚蟄中五日

鷹化為鳩

驚蟄下五日

玄鳥至

春分上五日

雷乃發聲

春分中五日

始電

春分下五日

桃桃樹也倉庚黃鸝也言木之至候而華鳥之應候而鳴矣王制言鳩化為鷹秋時也此言鷹化為鳩者以生育氣盛鷙鳥感之而變耳化者反歸舊形之謂故鷹化為鳩鳩復化為鷹如田鼠化為鴽鴽又化為田鼠若腐草為螢雉為蜃雀為蛤皆不言化是不再復本形者也玄鳥燕也世謂春社則燕來要知春社恰在春分上

候左右之時也雷是陽氣與陰相冲其聲發揚也電是陽光陽微則光不見此月陽氣盛以擊于陰故其光乃見也

○○○曰○○○○刻後曰躔降婁之次

春分爲二月中氣所云某日某時某刻乃交春分之日時刻也後者自交春分時刻起至三月穀雨中氣時刻前皆屬日躔降婁之次降婁戌宮也

宜用艮巽坤乾時

艮時 丑正三刻至寅初二刻 巽時 辰初三刻至正二刻

坤時 未正三刻至申初二刻 乾時 戌初三刻至正二刻

綠紫白

子午卯

白白黃

辰戌丑

赤碧黑

寅申巳

黑赤碧

百上元年二月

白綠紫

未中元年二月

黃白白

亥下元年二月

白黃白

是此局

碧黑赤

是此局

紫白綠

是此局

此月家紫白九星立成上中下三元年分二月定局之圖也假如
癸卯年二月卯年是上元年分別九星圖是第一局凡屬卯年皆
屬上元年分同此第一局取用餘例推

三月○建○辰

三月大小有不同之時而建辰則永無移易 辰震也言時物盡
震動而長也

○○日○○○○○刻清明三月節

清明是三月節某日某時某刻者交清明之時刻也未交清明時

刻之前尚屬二月節氣所轄凡諸三月內吉凶神煞及七十二候皆從交清明日時之後起

春分後十五日斗指乙爲清明言萬物至此皆潔齊而清明矣後十五日斗指辰爲谷雨言雨生百穀清淨明潔也

兩讀去聲

天道北行宜向北行宜修造北方

天道乃天體運旋之氣三月節內行于北方而人趨向其方及修造此方所謂順天之道乘時之旺自必吉應

天德在壬月厭在申月殺在未月德在壬月合在丁月空在丙

此六位所占方位年年三月節內永定不移內惟天德月德月合月空乃吉神月厭月殺乃凶煞

丙丁壬上宜修造取土

丙上有月空丁上有月合壬上有月德此三方吉神所占故宜修造取土

是月也

桐始華

清明上五日

田鼠化爲鴛

清明中五日

虹始見

清明下五日

萍始生

谷雨上五日

鳴鳩拂其羽

谷雨中五日

戴勝降于桑

谷雨下五日
戴勝一名戴鴛

桐始華記樹木之時候也田鼠化爲鴛鴦鵲之屬陰類也反歸舊形之化也虹蜺蜺也天地訢潰之氣純陽純陰則虹不見陰于陽則見陽若得中則陰莫能干至此月建辰陽已過中生氣大盛陽氣發洩陰陽漸交感而虹見矣萍始生則以陰物之浮以承陽

者也。鳴鳩飛而以翼拍身相擊，謂之拂羽。趨農事之急也。戴勝乃織經之鳥，頭上有花勝，故謂之戴勝。此時嘗集桑上，言降者若時自天而來，所以重蚕事也。

○○○曰○○○○刻後曰躔大梁之次

穀雨爲三月中氣，所云某日某時某刻，乃交穀雨之時刻也。後者自交穀雨時刻起至四月小滿中氣時刻前，皆屬日躔大梁之次大梁酉宮也。

宜用癸乙丁辛時

癸時 子正三刻至丑初二刻 乙時 卯正三刻至辰初二刻
丁時 午正三刻至未初二刻 辛時 酉正三刻至戌初二刻

碧白赤

子午卯酉上元

紫黃綠

辰戌丑未中元

白黑白

寅申巳亥下元

白白黑

年三月

赤碧白

年三月

綠紫黃

年三月

黃綠紫

是此局

黑白白

是此局

白赤碧

是此局

此月家紫白九星立成上中下三元分三月定局之圖也假如
辰年三月辰是中元年分則九星圖用中元第二局是也餘倣此
四月○建○巳

四月大小有不同之時而建巳則永不變易 巳起也物至此時
畢盡而起也

○○日○○○○刻立夏四月節

立夏是四月節某日某時某刻者交立夏之時刻也未交立夏時

刻之前尚屬三月節氣所轄凡諸四月內吉凶神煞及七十二候皆從交立夏之日時後起

穀雨後十五日斗指巽爲立夏言物至此時皆假大也後十五日斗指巳爲小滿言物長于此小得盈滿也

天道西行宜向西行宜修造西方

天道乃天體運旋之氣四月節內行于西方人趨向行其方及修造此方得天道時令之旺自獲吉應

天德在辛月厭在未月殺在辰月德在庚月合在乙月空在申

此六位所占方位年年四月節內永定不更內惟天德月德月合月空乃吉神月厭月殺是凶煞

甲乙庚上宜修造取土

甲上有月空乙上有月合庚上有月德此三方吉神所占故宜修造取土

是月也

螻蛄鳴

立夏上五日
螻蛄蟲也

蚯蚓出

立夏中五日

王瓜生

立夏下五日
之瓜者以根之似也

王瓜葷挈也本草作菰藟音同謂

亦可釀酒

苦菜秀

小滿上五日

靡草死

小滿中五日

麥秋至

小滿下五日

螻蛄鳴則陰而伏者乘陽而鳴也蚯蚓出則陰而屈者乘陽而伸也王瓜赤色感火之色而生四月火旺故生此物苦菜味苦感火之味而成秀成也靡草草之枝葉靡細者葶藶之屬也夫物感陽

而生者強而立感陰而生者柔而靡謂之靡草則至陰之所生也故不勝至陽而死此月陽盛其草陰類故死秋者百穀成熟之期于時雖夏至麥則秋乃麥成熟登場之時故曰麥秋

○○○曰○○○○刻後曰躔實沈之次

小滿爲四月中氣所云某日某時某刻乃交小滿之日時刻也後者交小滿時刻起至五月夏至中氣時刻前皆屬日躔實沈之次實沈申宮也

宜用甲丙庚壬時

甲時 寅正三刻至卯初二刻 丙時 巳正三刻至午初二刻
庚時 申正三刻至酉初二刻 壬時 亥正三刻至子初二刻

黑赤白

子午卯

白綠碧

辰戌丑

黃白紫

寅申巳

紫黃白

酉上元

白黑赤

未申元

碧白綠

亥下元

綠碧白

是此局

白紫黃

是此局

赤白黑

是此局

此月家紫白九星立成上中下三元年分四月定局之圖也假如
亥年亥是下元年分用下元第三局是也餘倣此例取

五月○建○午

五月大小有不同之時而建午則永無改易 午長也大也言物
皆長大也

○○○曰○○○○刻芒種五月節

芒種是五月節某日某時某刻者交芒種之時刻也未交芒種時

刻之前尚屬四月節氣主事凡諸五月內吉凶神殺及七十二候皆從交芒種之日時刻後起

小滿後十五日斗指丙爲芒種言有芒之穀可播種也後十五日斗指午爲夏至言萬物于此假火而極至也種上聲

天道西北行宜向西北行宜修造西北維

天道乃天體運旋之氣五月節內行于西北而人趨向其方及修造此方所謂順天之道乘時之行有不獲其吉應乎

天德在乾月厭在午月殺在丑月德在丙月合在辛月空在壬

此六位所占方位年年五月節內永定不移內惟天德月德月合月空乃吉神月厭月殺乃凶煞

丙辛壬上宜修造取土

丙上有月德辛上有月合壬上有月空此三方吉神所占故宜修造取土

是月也

螳螂生

芒種上五日
即桑螵蛸

鵙始鳴

芒種中五日
鵙即伯勞也

鵙音

反舌無聲

芒種下五日
舌而爲百鳥語

反舌即百舌鳥也以能反覆其舌故名反舌

鹿角解

夏至上五日

蜩始鳴

夏至中五日
迨即蜩也大者爲蜩

蜩音

半夏生

夏至下五日
藥名也

凡物皆乘陰陽之氣而成質其陰類者宜陰時陽類者宜陽時得時則與背時則廢螳螂鵙皆陰類也故或感微陰而生或感微陰而鳴至于反舌之鳴也感陽中而發故感微陰而無聲鹿陽獸也

夏至感陰生而角解從陽退之象麋陰獸也冬至感陽生而角解從陰退之象解脫也此所以各秉陽類陰類之不同也半夏生于夏之半因卽以爲名然候中所云曰生日秀曰華其義有別也以別于死則曰生以別于苗則曰秀以別于實則曰華

○○○曰○○○○刻後曰躔鶉首之次

夏至爲五月中氣所云某日某時某刻乃交夏至之時刻也後者自交夏至時刻起至六月大暑中氣時刻前皆屬日躔鶉首之次鶉首未宮也

宜用艮巽坤乾時

艮時

丑正三刻至寅初二刻

巽時

辰正三刻至巳初二刻

坤時 未正三刻至申初二刻 乾時 戌正三刻至亥初二刻

白白黃

子午卯酉上元

赤碧黑

辰戌丑未中元

綠紫白

寅申巳亥下元

白綠紫

年五月

黃白白

年五月

黑赤碧

年五月

碧黑赤

是此局

紫白綠

是此局

白黃白

是此局

此月家紫白九星立成上中下三元年分五月定局之圖也假如酉年五月酉是上元年分用上元第一局是也餘例推

六月○建○未

六月大小有不同之時而建未則永不更易 未味也萬物向成咸有味也

○○日○○○○刻小暑六月節

小暑是六月節某日某時某刻者交小暑之時刻也未交小暑時刻之前尚屬五月節氣司管凡諸六月內吉凶星煞及七十二候皆從交小暑之日時刻起

夏至後十五日斗指丁爲小暑後十五日斗指未爲大暑小大暑就極熱中分之爲大小初後爲小望後爲大也

天道東行宜向東行宜修造東方

天道乃天體運旋之氣六月節內行于東方而人趨向其方及修造此方所謂順天之道乘時之氣必有吉應

天德在甲月厭在巳月殺在戌月德在甲月合在巳月空在庚

此六位所占方位年年六月節內永定不移內惟天德月德月合

月空乃吉神月厭月殺是凶煞

甲巳庚上宜修取土

甲上有月德已上有月合庚上有月空此三方吉神所占故宜修造取上

是月也

溫風至

小暑上五日

蟋蟀居壁

小暑中五日

鷹始摯

小暑下五日

腐草爲螢

大暑上五日

土潤溽暑

大暑中五日

大雨時行

大暑下五日

溫風溫候之極涼風嚴凝之始至此候而溫風至矣蟋蟀生于土中至此時羽翼稍成猶未能遠飛但居其穴之壁至七月則能遠飛而在野矣此時一陰既起鷹感陰氣乃生殺機學習數飛搏摯

之事蓋物得氣之先殺氣未萌而鷺雉之鳥已習于擊迎殺氣之微也涼風未至而鳴陰之物已居于壁迎涼風之微也腐草得暑溫之氣化而爲螢離明之極故幽類化爲明類也土之氣潤故蒸鬱而爲濕暑六月建未主東井井主水土既潤溽則大雨應時而行

○○日○○○○刻後曰躔鶉火之次

大暑爲六月中氣所云某日某時某刻乃交大暑之日時刻也後者自交大暑時刻起至七月處暑中氣時刻前皆屬日躔鶉火之次鶉火午宮也

宜用癸乙丁辛時

癸時

子正三刻至丑初二刻

乙時

卯正三刻至辰初二刻

丁時

午正三刻至未初二刻

辛時

酉正三刻至戌初二刻

紫黃綠

子午卯

白黑白

辰戌丑

碧白赤

寅申巳

赤碧白

酉上元

綠紫黃

未中元

白白黑

亥下元

黑白白

是此局

白赤碧

是此局

黃綠紫

是此局

此月家紫白九星立成上中下三元年分六月定局之圖也假如

壬申年六月及甲申丙申戊申庚申年皆屬下元年分俱是第三

局取用其餘五寅年五巳年五亥年總屬下元年分皆是第三局

其上元年分六月中元年分六月俱照此例取

七月○建○申

七月大小有不同之時而建申則永無改易 申身也言此時萬物身體皆成就也

○○日○○○○刻立秋七月節

立秋是七月節某日某時某刻者交立秋之日時刻也未交立秋時刻之前尚屬六月節氣主事凡諸七月內吉凶神煞及七十二候皆從交立秋日時之後起

大暑後十五日斗指坤爲立秋秋者擘也物于此而擘歛也後十五日斗指申爲處暑言瀆暑將退伏而潛處也

天道北行宜向北行宜修造北方

天道乃天體運旋之氣七月節內行于北方人趨向其方及修造

此方所謂順天之道乘時之氣自獲吉應

天德在癸月厭在辰月殺在未月德在壬月合在丁月空在丙

此六位所占方位年年七月節內永定不移內惟天德月德月合月空乃吉神月厭月殺是凶煞

丙丁壬上宜修造取土

丙上有月空丁上有月合壬上有月德此三方吉神所占故宜修造取土

是月也

涼風至

立秋上五日

寒蟬鳴

立秋下五日

天地始肅

處暑中五日

白露降

立秋中五日

鷹乃祭鳥

處暑上五日

禾乃登

處暑下五日

涼風至則天地之仁氣散矣而露降則陰乘陽而其候交矣寒蟬鳴則物之生于暑者其聲變矣鷹乃祭鳥謂鷹欲食鳥之時先殺鳥而不食似人之食必祭先代爲食之人鷹至不仁也必祭而後食而況于人乎此言時主殺氣而物之司殺者應時而動也秋者陰之始冬者陰之終秋屬金金乃肅殺之氣故于孟秋言天地始肅禾黍稷之屬至此時而皆成熟矣故曰禾乃登

○○○○○○刻曰躔鶉尾之次

處暑爲七月中氣所云某日某時某刻者交處暑之時刻也後者自交處暑時刻起至八月秋分中氣時刻前皆屬日躔鶉尾之次鶉尾已宮也

宜用甲丙庚壬時

甲時 寅正三刻至卯初二刻 丙時 巳正三刻至午初二刻

庚時 申正三刻至酉初二刻 壬時 亥正三刻至子初二刻

白綠碧

子午卯

黃白紫

辰戌丑

黑赤白

寅申巳

白黑赤

酉上元

碧白綠

未中元

紫黃白

亥下元

白紫黃

是此局

赤白黑

是此局

綠碧白

是此局

此月家紫白九星立成上中下三元年分七月定局之圖也假如

午年七月午是上元年分則七月紫白九星圖是上元第一局

八月○建○酉

八月大小有不同之時而建酉則永無更易 酉猶也謂時物皆

猶縮也

○○日○○○○刻白露八月節

白露是八月節某日某時某刻者交白露之時刻也未交白露時刻之前尚屬七月節氣管轄凡諸八月吉凶星辰及七十二候皆從交白露日時刻之後起

處暑後十五日斗指庚爲白露言陰氣漸重露凝而白也後十五日斗指酉爲秋分陰生于午極于亥故酉其中分也仲月之節爲秋分秋爲陰中陰陽適中故晝夜長短亦均焉

天道東北行宜向東北行宜修造東北維

天道乃天體運旋之氣八月節內行于東北人能趨向其方及修

造此方者順天之行乘時之氣自必有吉以應之

天德在艮月厭在卯月殺在辰月德在庚月合在乙月空在甲

此六位所占方位年年八月節內永定不更內惟天德月德月合

月空乃吉神月厭月殺是凶煞

甲乙庚上宜修造取土

甲上有月空乙上有月合庚上有月德此三方吉神所占故宜修

造取土

是月也

鴻雁來

白露上五日

玄鳥歸

白露中五日

群鳥養羞

白露下五日

雷始收聲

秋分上五日

蟄蟲壞戶

秋分中五日

水始涸

秋分下五日

孟春言候雁北自南而至北也此言來自北而來南也仲春言玄鳥至此言歸明春來而秋去也玄鳥燕子也至以陽中歸以陰中故俗謂春社來秋社去社時恰在春分夏至前後也鴻雁不以中國而居然玄鳥之蟄不遠在四夷而亦不以中國爲居者凡物之蟄近于本處惟玄鳥之蟄雖不遠四夷必于幽僻之處非中國之所常亦猶不以中國爲居之意羞者所美之食群鳥藏之以備冬月之寒也雷以陽中發聲陰中收聲至是而雷始收聲矣諸蟲坯益其蟄穴之戶使通明處稍小以時氣尚溫猶須出入至十月寒甚乃堊塞而閉之也水在氣之所爲春夏氣至故長秋冬氣返故涸始將也涸竭也

○○日○○○○刻曰躔壽星之次

秋分是八月中氣所云某日某時某刻乃交秋分之日時刻也後者自交秋分時刻起至九月霜降中氣時刻前皆屬日躔壽星之次壽星辰宮也

宜用艮巽坤乾時

艮時

丑正三刻至寅初二刻

巽時

辰正三刻至巳初二刻

坤時

未正三刻至申初二刻

乾時

戌正三刻至亥初二刻

赤碧黑

綠紫白

白白黃

寅申巳

黃白白

子午卯酉上元

黑赤碧

辰戌丑未中元

白綠紫

亥下元

紫白綠

年八月是此局

白黃白

年八月是此局

碧黑赤

年八月是此局

此月家紫白九星立成上中下三元年分八月定局之圖也假如
五子年及五卯五午五酉年八月皆是上元一局圖蓋子午卯酉
年皆屬上元年分故用上元第一局其餘四季年用中元局四孟
年用下元局取法同一例也

九月○建○戌

九月大小有不同之時而建成則永無更易 戌滅也謂時物皆
衰滅也

○○○曰○○○○刻寒露九月節

寒露是九月節某日某時某刻者交寒露之時刻也未交寒露時
刻之前尚屬八月節氣用事凡諸九月內吉凶神煞及七十二候

皆從交寒露日時之後起

秋分後十五日斗指辛爲寒露謂露已冷寒而將欲凝結矣後十五日斗指戌爲霜降氣肅露凝結而爲霜矣

天道南行宜向南行宜修造南方

天道乃天體運旋之氣九月節內行于南方而人趨向其方及修造此方皆謂乘時之氣必獲吉應

天德在丙月厭在寅月殺在丑月德在丙月合在辛月空在壬

此六位所占方位年年九月節內永定不移內惟天德月德月合月空乃吉神月厭月殺是凶煞

丙辛壬上宜修造取土

丙上有月，德辛上有月，合壬上有月，空此三方，吉神所占，故宜修造取土。

是月也

鴻雁來賓

寒露上五日

雀入大水爲蛤

寒露中五日

菊有黃華

寒露下五日

豺乃祭獸

霜降上五日

草木黃落

霜降中五日

蟄蟲咸俯

霜降下五日

雁以仲秋先至者爲主，季秋後至者爲賓。如先登者爲主人，從之以登者爲客也。雀于此時入海，變蛤，飛物化爲潛物也。菊色不一而專言黃者，秋令金其色，黃以黃爲正也。桃華于仲春，桐華于季春，皆不言有獨菊言有者，以萬物皆華于陽，獨菊華于陰，故特言有桃花之紅，桐花之白，皆不言其色，獨菊言其色而曰黃者，以華

于陰中其色正應陰之盛故也豺將食獸先殺而祭明報本不敢先也草木感肅殺之氣故葉黃木落蟄蟲前月但藏而不戶至此月垂頭向下以隨陽氣蓋陽氣微沉于下也又塗塞其戶穴以避地上陰殺之氣也

○○日○○○○刻後曰躔大火之次

霜降爲九月中氣所云某日某時某刻乃交霜降之時刻也後者自交霜降時刻起至十月小雪中氣時刻前皆屬日躔大火之次大火卯宮也

宜用癸乙丁辛時

癸時

子正三刻至丑初二刻

乙時

卯正三刻至辰初二刻

丁時 午正三刻至未初二刻 辛時 酉正三刻至戌初二刻

白黑

子午卯

碧白赤

辰戌丑

紫黃綠

寅申巳

綠紫黃

酉上元

白白黑

未中元

赤碧白

亥下元

白赤碧

是此局

黃綠紫

是此局

黑白白

是此局

此月家紫白九星立成上中下三元年分九月定局之圖也假如
辰年九月辰是中元年分用第二中元圖局卽是也餘倣此

十月○建○亥

十月大小有不同之時而建亥則永無變易 亥刻也言陰氣刻

殺萬物也

○○日○○○○刻立冬十月節

立冬是十月節某日某時某刻者交立冬之時刻也未交立冬時刻之前尚屬九月節氣主事凡諸十月內吉凶神殺及七十二候皆從交立冬之日時刻後起

霜降後十五日斗指乾爲立冬冬終也萬物皆收藏也後十五日斗指亥爲小雪天地積陰溫則爲雨寒則爲雪時言小者寒未深雪未大也

天道東行宜向東行宜修造東方

天道乃天體運旋之氣十月節內行于東方而人趨向其方及修造此方所謂順天者昌自必有吉慶以應之

天德在乙月厭在丑月殺在戌月德在甲月合在巳月空在庚

此六位所占方位年年十月節內永無改易內惟天德月德月合

月空乃吉神月厭月殺乃凶煞

甲巳庚上宜修造取土

甲上有月德巳上有月合庚上有月空此三方吉神所占故宜修

造取土

是月也

水始冰

立冬上五日

地始凍

立冬中五日

雉入大水爲蜃

立冬下五日此蜃當是蛤屬

蜃音甚蛟屬或云大蛤然非蛟屬也

虹藏不見

小雪上五日見音現

天氣上升

小雪中五日

地氣下降

小雪下五日

寒氣嚴凝水乃始冰陰盛陽閉地乃始凍雉飛物應時而化爲潛

物矣陰陽氣交而爲虹此時陰陽不相交故虹伏虹非有質而曰
藏亦言其氣之下伏也天氣上騰地氣下降則天地各正其位而
不交矣不交則不通不通則閉塞所以閉塞而成冬矣

○○○○○○刻後曰躔析木之次

小雪乃十月中氣所云某日某時某刻者交小雪之日時刻也後
者自交小雪之時刻起至十一月冬至中氣時刻前皆屬日躔析
木之次析木寅宮也

宜用甲丙庚壬時

甲時	寅正三刻至卯初二刻	丙時	巳正三刻至午初二刻
庚時	申正三刻至酉初二刻	壬時	亥正三刻至子初二刻

黃白紫

子午卯酉上元

黑赤白

辰戌丑未中元

白綠碧

寅申巳亥下元

碧白綠

年十月

紫黃白

年十月

白黑赤

年十月

赤白黑

是此局

綠碧白

是此局

白紫黃

是此局

此月家紫白九星立成上中下三元年分十月定局之圖也如壬

寅年十月書上是下元第三局圖蓋寅年是下元年分下元年分

圖是第三局故取三局入書也餘以類推

十一月○建○子

十一月大小有不同之時而建子則永無改易

子孳也謂陽氣

至此更孳生也

○○日○○○○刻大雪十一月節

大雪是十一月節某日某時某刻者交大雪之時刻也未交大雪時刻之前尚屬十月節氣所轄凡諸十一月內吉凶星辰及七十二候皆從交大雪時刻之後起

小雪後十五日斗指壬爲大雪言積陰爲雪至此而栗烈天矣後十五日斗指子爲冬至陰極而陽始至日南至漸長至也

天道東南行宜向東南行宜修造東南維

天道乃天體運旋之氣十一月節內行于東南而人趨向其方或修造此方所謂順天之道乘時之氣利有攸往應獲吉徵

天德在巽月厭在子月殺在未月德在壬月合在丁月空在丙

此六位所占方位年年十一月節內永定不移內惟天德月德月

合月空乃吉神月厭月殺是凶煞

丙丁壬上宜修造取土

丙上有月空丁上有月合壬上有月德此三方吉神所占故宜修造取土

是月也

鵲鳴不鳴大雪上五日

虎始交

大雪中五日

荔挺出

大雪下五日 本草註荔挺卽零陵香

蚯蚓結

冬至上五日

麋角解

冬至中五日

水泉動

冬至下五日

鵲鳴夜鳴求旦之鳥蓋陰類也鳴而求旦則求陽而已故感微陽之生而不鳴則以得其求也虎陰物而交則亦感陽之生也凡物之氣感陰者腥感陽者香陽方長故荔挺出麋陰獸感陽生而角

解從陰退之象蚯蚓感正陽之氣而後出穴居首陽下嚮今微陽初動則穴而上首形雖未解而其身但結而屈也結猶屈也言伸屈其首之意水者天一之陽所生陽生而動言枯涸者漸滋發也

○○日○○○○刻後曰躔星紀之次

冬至爲十一月中氣所云某日某時某刻者乃交冬至之時刻也後者自交冬至時刻起至十二月大寒中氣時刻前皆屬日躔星紀之次星紀丑宮也

宜用艮巽坤乾時

艮時	丑正三刻至寅初二刻	巽時	辰正三刻至巳初二刻
坤時	未正三刻至申初二刻	乾時	戌正三刻至亥初二刻

綠紫白

子午卯

白白黃

辰戌丑

赤碧黑

寅申巳

黑赤碧

酉上元

白綠紫

未中元

黃白白

亥下元

白黃白

是此局

碧黑赤

是此局

紫白綠

是此局

此月家紫白九星立成上中下三元年分十一月定局之圖也假如未年十一月未是中元年分則十一月紫白九星圖用中元第二局是也其餘年分十一月九星圖倣此查取

十二月○建○丑

十二月大小有不同之時而建丑則永不更易 丑紐也言終始之際以紐結爲名也

○○日○○○○刻小寒十二月節

小寒是十二月節某日某時某刻者交小寒之日時刻也未交小寒時刻之前尚屬十一月節氣司轄凡諸十二月吉凶神煞星辰及七十二候皆從交小寒日時刻之後起

冬至後十五日斗指癸爲小寒陽極陰生乃爲寒今月初寒尚小也後十五日斗指丑爲大寒至此栗烈極矣

天道西行宜向西行宜修造西方

天道乃天體運旋之氣十二月節內行于西方而人趨向其方或修造此方所謂順天之道乘時之氣有不獲其吉應者乎

天德在庚月厭在亥月殺在辰月德在庚月合在乙月空在甲

此六位所占之方位年年十二月節內永定無更內惟天德月德

月合月空乃吉神月厭月殺是凶煞

甲乙庚上宜修造取土

甲上有月空乙上有月合庚上有月德此三方吉神所占故宜修造取土

是月也

鴈北鄉

小寒上五日 鄉去聲 早者此月北鄉晚者二月北鄉

鵲始巢

小寒中五日 此據晚者而言早者十一月始巢

雉始鳴

小寒下五日 雉音始鳴也

雞乳

大寒上五日

征鳥厲疾

大寒中五日

水澤腹堅

大寒下五日

鴈北鄉則順陽而復也鵲于復之日始巢十一月乃復卦之月雉火畜也感于陽而後有聲以求偶也雞木畜也麗于陽而後有形

以生乳也此月殺氣盛極故鷹隼征鳥之類嚴猛捷速以取鳥也
冰之初凝于水面而已至此則徹上下皆凝故曰腹堅腹猶內也
其堅達內非特形于水面而已然前言水泉此言水澤泉乃水之
源澤乃水之潤

○○○曰○○○○刻後曰躔玄枵之次

大寒爲十二月中氣所云某日某時某刻乃交大寒之時刻也後
者是交大寒時刻起至來年正月雨水中氣時刻前皆屬日躔玄
枵之次玄枵子宮也

宜用癸乙丁辛時

癸時 子正三刻至丑初二刻 乙時 卯正三刻至辰初二刻

丁時

午正三刻至未初二刻

辛時

酉正三刻至戌初二刻

碧白赤

子午卯

紫黃綠

辰戌丑

白黑白

寅申巳

白白黑

酉上元

赤碧白

未中元

綠紫黃

亥下元

黃綠紫

是此局

黑白白

是此局

白赤碧

是此局

此月家紫白九星立成上中下三元年分定局之圖也假如戌年十二月戌是中元年分則第二局是也又如午年十二月午是上元年分則第一局是也又如癸卯年十二月卯是上元年分則取用第一局之圖是也餘倣此

閏○月○

閏月但有大小之時而無干支之建斗之所建爲中氣今閏無中氣何建焉故閏前之月中氣在晦閏後之月中氣在朔

十○日○○○○○刻○○○月節

閏月無中氣而有節氣閏月大則十六日交下月節閏月小則十五日交下月節

以前作○月用以後作○月用

上半月尚屬前月節氣故作前月用凡一應神殺星辰九宮紫白七十二候等類皆從前月節氣取用下半月已屬後月節氣故作後月用凡一應神殺星辰九宮紫白七十二候等類皆從後月節

氣取用

求每月建干五虎遁訣

甲己之年丙作首 乙庚之歲戌爲頭 丙辛之歲尋庚上

丁壬壬位順行流 更有戊癸從何起 甲寅正月好追求

假如辛年欲知正月建干其訣係丙辛之歲尋庚上則正月建庚寅二月建辛卯三月建壬辰按其甲子順排十二月建干皆得矣

天道

正月 南行 二月 西南行 三月 北行 四月 西行 五月 西北行

六月 東行 七月 北行 八月 東北行 九月 南行 十月 東行

十一月 東南行 十二月 西行

天道乃天體運旋自然之旺氣與天德同義天德其體而天道其

用也 凡人趨向之及修造此方所謂順天之時得天之旺自獲祉福之應故嫁娶出行移徙一切動作值之皆吉

天德

正月	丁	二月	坤	三月	壬	四月	辛	五月	乾	六月	甲
七月	癸	八月	艮	九月	丙	十月	乙	十一月	巽	十二月	庚

天德天之福德也四孟月取其旺神之上所臨之天干以爲德四仲月取墓神之歸藏而含蓄以爲德四季月取庫之旺以爲德所在之方爲福德萃聚之地凡興工動土起造安葬修營移居入宅上官出行結婚求福求財藏胎衣百事並吉

月厭 大禍 一名地火

正月 戌

二月 酉

三月 申

四月 未

五月 午

六月 巳

七月 辰

八月 卯

九月 寅

十月 丑

十一月 子

十二月 亥

十一月建子陽氣自子而丑而東行今乃自子至亥而西行矣丑月建午陰氣自午而未而西降今乃自午至巳而東生豈非與月建之氣相違而厭者乎故曰月厭 其氣與天時相拂戾如地下焚燎之火無情也故又曰地火 忌嫁娶移徙冠笄分居出行造酒醋百事犯之不利

月殺 一名月虛

正月 丑

二月 戌

三月 未

四月 辰

五月 丑

六月 戌

七月 未

八月 辰

九月 丑

十月 戌

十一月 未

十二月 辰

寅午戌火月而逢金庫亥卯未木月而逢火庫申子辰水月而逢木庫己酉丑金月而逢水庫皆盜我氣而藏之者也故曰殺蓋既盜其氣不亦虛乎故亦名月虛 忌造門及倉庫出財開張

月德

正月	丙	二月	甲	三月	壬	四月	庚	五月	丙	六月	甲
七月	壬	八月	庚	九月	丙	十月	甲	十一月	壬	十二月	庚

月德乃月中之陽德寅午戌火月德在丙申子辰水月德在壬亥卯未木月德在甲己酉丑金月德在庚干尊支卑以三合本卦之陽干爲德者尊君德而政惠逮下也上官諸事之所利用也此方爲生炁集福之地凡修造動土封拜上表謁貴求賢上官赴

任嫁娶移徙納財買畜交易契券百事並吉

月合 卽月德合

正月 辛

二月 己

三月 丁

四月 乙

五月 辛

六月 己

七月 丁

八月 乙

九月 辛

十月 己

十一月 丁

十二月 乙

月德所合之干也以陰干之妻配陽干之德天地交合上下同志
夫婦一心也 凡修造動土拜表上官遠行結婚祭祀開張移徙
納財畜種植並吉

月空 一名月慶

正月 壬

二月 庚

三月 丙

四月 甲

五月 壬

六月 庚

七月 丙

八月 甲

九月 壬

十月 庚

十一月 丙

十二月 甲

月德對干爲月空乃月內陰辰吉慶之位宜動土取土修造泰疏
設謀上言安修產室造床帳百事並吉忌入學

此六位吉凶神殺每月內書中專指占方而言若是月內所用
之日辰值此數神之支干卽爲是神值日其吉凶宜忌占方與
同日

十二次舍 赤道宮次

椒訾之次宿直室壁支應亥宮曰雙魚將曰登明雨水後太陽所躔
降婁之次宿直奎婁支應戌宮曰白羊將曰河登春分後太陽所躔
大梁之次宿直胃昂畢支應酉宮曰金牛將曰從魁穀雨後太陽所躔
實沈之次宿直觜參支應申宮曰陰陽將曰傳送小滿後太陽所躔
鶉首之次宿直井鬼支應未宮曰巨蟹將曰小吉夏至後太陽所躔

鶉火之次宿直柳星張支應午宮曰獅子將曰勝光大暑後太陽所躔

鶉尾之次宿直翼軫支應巳宮曰雙女將曰太乙處暑後太陽所躔

壽星之次宿直角亢支應辰宮曰天秤將曰天罡秋分後太陽所躔

大火之次宿直氐房心支應卯宮曰天蠅將曰太衝霜降後太陽所躔

析木之次宿直尾箕支應寅宮曰人馬將曰功曹小雪後太陽所躔

星紀之次宿直斗牛支應丑宮曰磨羯將曰大吉冬至後太陽所躔

玄枵之次宿直女虛支應子宮曰寶瓶將曰神后太寒後太陽所躔

四大吉時 即四煞沒時

孟月用甲丙庚壬陽干以得孟神之生氣蓋寅甲巳丙申庚亥壬之同宮也仲月用乙丁辛癸陰干而卯乙同宮午丁酉辛子癸之一炁

也季月用艮巽坤乾者四庫之陽維也辰巽未坤戌乾丑艮之同氣也
 也以地支而得天干同氣以助其生成所以曰煞沒曰四者四孟四
 仲四季也凡作事用此時百無禁忌

晝夜循環時刻

子	至正二刻	寅	至正二刻	辰	至正二刻	午	至正二刻	申	至正二刻	戌	至正二刻
癸	子正三刻至	甲	寅正三刻至	巽	辰正三刻至	丁	午正三刻至	庚	申正三刻至	乾	戌正三刻至
丑	至正二刻	卯	至正二刻	巳	至正二刻	未	至正二刻	酉	至正二刻	亥	至正二刻
艮	丑正三刻至	乙	卯正三刻至	丙	巳正三刻至	坤	未正三刻至	辛	酉正三刻至	壬	亥正三刻至

時者天地陰陽運行屈伸消長之迹也計其統則有元會運世之數也計其元則有上中下三元甲子之屬也計其歲則有支干之隸也計其序則有春夏秋冬四氣之流行也計其月則有二十四節氣之遞禪也計其節則有七十二候之氣化也計其日則有晨昏子午晝夜之分也計其時則有初正刻數之辨也是時之義與造化共其升沉與天地同其終始其時之往者來者未易具論而時之近者用者須亟審詳故一晝夜也分爲二十四時得時者昌失時者殃此四大吉時所當首重而不可忽者譬之人命四柱生年月日皆吉而時不能合其吉則吉者反凶生年月日皆凶而時能化其凶則凶者轉吉所謂畫龍點睛睛卽時之謂乎彼竒壬理

數之學莫不以時爲重故書必收其例于每月之內豈小補于世哉第時惟十二今倍其十二而二十四焉蓋太陽一晝夜行周天三百六十五度適歷十二宮太陽到子宮則子時到丑宮則丑時然子宮有壬癸二千夾于左右也太陽雖到子宮必由壬而入然後歷子過癸出子宮而入丑是子時一宮而三時寓焉用子時之初則壬時也用子時之中則正子也用子時之末則癸時也按圖辨之瞭然自曉至于二十四時之中獨取四時之義則以太陽是月所躔之宮是孟則四孟時皆吉太陽所躔之宮是仲則四仲時皆吉太陽所躔之宮是季則四季時皆吉用干維而不用支者干支同氣地支得天干以助其生成也

月家紫白九星

子午卯酉年爲上元

辰戌丑未年爲中元

寅申巳未年爲下元

上元，正月起八白

二月起七赤

三月起六白

四月起五黃

年

五月起四綠

六月起三碧

七月起二綠

八月起一白

九月起九紫

十月起八白

十一月起七赤

十二月起六白

中元

正月起五黃

二月起四綠

三月起三碧

四月起二黑

年

五月起一白

六月起九紫

七月起八白

八月起七赤

九月起六白

十月起五黃

十一月起四綠

十二月起三碧

下元

正月起二黑

二月起一白

三月起九紫

四月起八白

年

五月起七赤

六月起六白

七月起五黃

八月起四綠

九月起三碧 十月起二黑 十一月起一白 十二月起九紫

上例乃求每月值月星之硬局也如上元年分所云正月起八白八白卽值月星也如此值月星然後可求八方分占之紫白其法以值月星入飛宮掌中宮順飛九星佈之八方卽得是月之紫白九星圖矣但須分別上中下三元年分若是子午卯酉年則爲上元年分正月是八白值月以八白入中宮飛尋八方紫白若是寅申巳亥下元年分則正月是二黑值月又當以二黑入中宮飛尋矣故欲得每月九星紫白圖須先分其年分是上中下何元然後查此元內所用事月分是何星值月然後卽以此值月星入排山飛宮掌中宮按九星次序飛出八方則九宮之星皆得矣

癸卯年

八月紫

白九星

假如式

赤碧黑

黃白白

紫白綠

假如癸卯年八月卯年是上元年分八月
是一白值月卽以一白值月星入飛宮掌
中宮則一白在中二黑飛到乾三碧飛到
兌四綠飛到艮五黃飛到離六白飛到坎
七赤到坤八白到震九紫到巽而九宮之
紫白九星皆得矣餘倣此例

六十甲子值日

每日各有一干支甲子主值如初一是庚午值日初二卽是辛未值
日初三壬申初四癸酉六十甲子順捥值日周而復始萬古不參錯
一日其始初第一日是五星聯珠日月合璧從天正甲子年甲子月
甲子日甲子時而起遍排主值每日至今

禽星

演禽經有值年值月值日值時四禽星而書中惟用值日禽星其始
從天元歲積宿策累除算至今康熙二十三年上元甲子年禽畢月
鳥天正月禽室火猪冬至日禽尾火厖子半時禽昴日雞

二十八宿次序 角木蛟 亢金龍 氏土貉 房日兔 心月狐

尾火虎 箕水豹 斗木獬 牛金牛 女土蝠 虛日鼠

危月燕 室火猪 壁水獒 奎木狼 婁金狗 胃土雉

昴日雞 畢月鳥 參水猿 觜火猴 井水犴 鬼金羊

柳土獐 星日馬 張月鹿 翼火蛇 軫水蚓

此二十八宿各以一宿分列每日之下爲值日禽星內以房虛星昴
四宿爲屬太陽之日心尾畢張爲屬太陰之日是外五緯各屬四宿

每以七日爲期每日各屬一宿所謂宿者蓋取七曜經行止宿之義且用以便于測算經度也

天文誌云星乃天之經宿乃天之緯故二十八宿迭運循環周流而無停息故書亦因之有年月日時述一宿以司之較諸神煞附會起義者未可同日而語也

建星

十二建星次序 建除滿平定執破危成收開閉

起例 如正月建寅則正月節內逢寅日卽是建卯日除辰日滿挨次順排十二辰二月建卯則二月節內逢卯日卽是建辰日除巳日滿午日平順排十二辰則每日之值日建星皆得矣餘月倣此例推

但書內嘗有一月之內或並列兩定或並列兩除兩閉之類此因下月之節氣已到或上月之節氣未過前節之終後節之始此兩日各依本月內起建法故有重建並列之異然于例則同也假如七月建申則戌日當是滿星值日而第二日亥日當是平今第二亥日不是平而亦是滿此兩滿並列之故也須知第二亥日乃是寒露八月節當從八月建酉論故滿在亥第一日之滿從七月也第二日之滿從八月也凡遇兩字並列之日卽前後月交界節氣之日

建者萬氣由此而立也立則舊者除而新者生矣生則滿而實矣滿則平而無欠缺矣平則定矣然而滿則溢恐其覆也而執守之不敢肆也日中則昃天之道也雖執之必破也旣破矣不慮其危乎危然

後能謹而止于安安此所以成也成則收而藏之矣收則萬物已畢而氣不終窮也此所以開也然開之後必閉一開一閉一陰一陽而始能建立也此所以開與閉相交而後建也如正月之氣將窮二月之氣將開也然二月之氣一開若正月之氣不閉而二月之建亦不能建矣故開者開其將來閉者閉其已在也

建者置也立也樹也宜創造事業而建立功勲之義

除者去也去故就新之義宜修造拜官遁甲經爲地四戶通書爲四

大利星百事吉

滿者足也充盈之義凡事祇宜執中過滿必溢盈極則虧

平者正也均也和也易也再登曰平三登曰太平然則平字之義更

宜于播種五穀栽植樹木而獲倍收耳

定者安也止也不與不易之謂也宜結婚下定安石墩埋葬皆吉遁

甲經爲地四戶

執者持也攝也固也拘留之謂也宜出行放債納畜立倉庫等類

破者剖也缺也裂也不全之謂也宜破巢搗穴解釋冤愆針灸治病

散事和公等事

危者高也險也不安象也思危則安人能安而思危則吉多凶少故

十二建星凶多吉少惟除危開三星吉多凶少遁甲經爲地四戶

通書爲四大利星

成者就也畢也善也從戊從丁戊土也丁成也謂物成于中也宜婚

姻交易栽植及成就諸事皆吉

收者聚歛也宜耕種收歛之財貨及捕捉等事

開者闢也創也啓而通也百事俱吉惟忌安葬遁甲爲地四戶通書爲四大利星

閉者塞也掩而合也不通之謂也宜安葬吉

擇鑑云十二建星惟取除定危開四星爲上吉在遁甲經爲地四戶三元經爲四大利其滿成執閉建破平收各有宜忌

土王用事 王讀旺

四立前十八日爲土王金木水火土各王七十二日而成歲功故四時各王七十二日惟土王于四季之月以助木之生金之成火之長

水之藏也故于四季之月各旺十八日共成七十二日也

土王用事後忌動土築隄破土若安葬啓攢又所不忌世謂戊巳日忌動土不知惟土王用事後忌戊巳日動土餘月戊巳固不忌也嘗見土王用事後但非戊巳日用之破土亦在安吉

每日宜忌

每日之下所書宜某事不宜某事皆從各家陰陽五行生剋制化審定而來蓋一日必有一日之吉神亦必有一日之凶殺第吉凶神殺各有宜忌之不同今不書神煞之吉凶而但書事之宜與不宜者從簡也故立成明白宜忌于每日條下并選定宜用某時之類皆所以便人之易覽也

各事項條目 上表章 上官 入學 嫁娶 結婚 修置產室
冠帶 會親友 進人口 掃舍宅 豎柱 上樑 平治道路
修造 動土 破土 破屋 壞垣 安碓音位 對碓磨也 交易
開市 立券 納財 出行 捕捉 田獵 移徙 安床
經絡 裁衣 針刺 牧養 栽種 伐木 開渠 穿井
療病 沐浴 剃頭 祭祀 啓墳 安葬

朔望弦晦

月者太陰之精魄者月之體也朔望弦晦皆從日之離合以 蓋月
本無光受日則光合璧謂之朔近一遠三謂之弦相與爲衡分天之
中則謂之望以逮及舒光靜體復則謂之晦月光常滿而有弦晦朔

望者所見之地不同也

朔初一朔蘇也月死復蘇也日月之交故曰合朔

望十五日月對照如相望也人居其間盡觀其面是謂相與爲衡居

天之中而爲望然望日非永定十五亦有十六十七之時

弦上弦初八 下弦廿三弦弓弦也半明半晦半曲半直其形如弦

此因日照其側人觀其旁是謂近一分遠三分也蓋天四分之人但見日照之一分而未見其所不能觀者之三分初八是月盈及一半如弓之上弦廿三是月虛及一半如弓之下弦此以前後盈虛之不同而以上下二字別之也然上弦又非永定初八亦有初七初九之時下弦亦非永定廿三亦有廿二廿四之時其上前

退後之故因太陽之盈縮差與太陰之遲疾差乘除而定故朔望弦之時刻分數亦各有不同也

晦 大月三十 小月廿九

灰也月死爲晦月光盡似之也日照其表

人在其裏日月相疊故暗其明也

社日

禮記祭儀曰共工氏之子曰勾芒爲后土能平水土故祀之以爲社神社土地之主也土地濶不能盡祭故封土爲社以報功也

原始曰社者地祇也萬物之生于土也二月之社以祈穀也八月之社以報功也古之春祈而秋報也用二八月之戊日爲社者陽土之生成而濟民也立春後第五戌爲春社立秋後第五戌日爲秋社亦

有第六戌爲社者因立春立秋便見戌字取得節時刻在午前定五戌爲社如在午後六戌爲社也

三伏

火伏而土旺以生秋金也所謂先甲三日者庚也况庚金將旺而火伏也夏至後第三庚爲初伏四庚爲中伏立秋後逢庚爲末伏若五庚在立秋前不爲末伏須用見秋方是如夏至日遇庚便爲一庚數起

紀年

紀年者紀其自今年起逆推已往六十年之干支納音也以便查閱年歲干支十二生肖之所屬故自本年一起一歲逆推至六十歲而止

蓋六十爲花甲之一週花甲之外可以按數推求故不復贅焉下卽附以其年閏某月者已往之閏易忌併紀之以便查攷也男幾宮女幾宮此合婚造作之用亦紀于是年之下者以便取合之簡捷也

十二生肖屬相 子鼠 少光 丑牛 少齒 寅虎 短項 卯兔 缺唇 辰龍 虧

聽巳蛇 無足 午馬 虧膽 未羊 虧瞳 申猴 虧脾 酉雞 隱形 戌狗 無胃

亥猪 無筋

十二辰之所屬皆取二十八宿之中星如子宮女虛危則取虛日鼠爲子宮之中星也丑宮之中星牛金牛寅宮之中星尾火虎卯宮之中星房日兔辰宮之中星亢金龍巳宮之中星翌火蛇午宮之中星日馬未宮之中星鬼金羊申宮之中星嘴火猴酉宮之中星昴日

雜戌宮之中星葉金狗亥宮之中星室火猪中氣全而偏氣雜故二十八宿只以十二命之或謂天干無屬相而地支有屬相何也蓋天干動而地支靜輕清者天也重濁者地也重濁之中乃有物焉故天干無而地支有也又曰十二屬相各有不全其義何居此陰陽不備皆有至理其原備詳箋說惟人獨會其全此其所以貴也

男女九宮

九宮之法以上中下三元甲子年分配以洛書九宮八卦每年男女各屬一宮以求婚元宅元等例婚元合婚之用宅元造作之用其例詳左

男女合婚法 卽呂才婚元訣

排山

乾六宮

兌七宮

艮八宮

離九宮

九宮

中五宮

男寄坤二宮
女寄艮八宮

掌訣

巽四宮

震三宮

坤二宮

坎一宮

上元男七宮起甲子 中元男一宮起甲子 並逆行
宮起甲子 並逆行
上元女五宮起甲子 中元女二宮起甲子 並順行
宮起甲子 並順行

右三元男女先定上中下何元然後于排山掌內按宮起甲子男逆女順尋生年在何宮所得之宮卽書上之宮數也

假如男命二十歲壬午今壬午是上元年分生人則于兌七宮起甲子逆行乙丑六宮丙寅五宮丁卯四宮按序數至壬午泊于七宮故書上書壬午水二十歲馬男七宮卽此例也

又如女命十五歲丁亥是上元年分生人則于中五宮起甲子順

行乙丑六宮丙寅七宮丁卯八宮按序數至丁亥泊于九宮故書

上書丁亥土十五歲猪女一宮是也餘倣此

其合婚之法則以男女所得宮數兩宮相合而成卦以審吉凶假如一命在一宮一命在四宮一四相合而成生氣卦爲上吉

男女生年宮數合成配卦定圖

生氣

貪狼星

一四

二八

三九

六七

天醫

巨門星

一八

二四

三六

九七

絕體

祿存星

一九

二六

三四

八七

遊魂

文曲星

一六

二九

三八

四七

五鬼

廉貞星

一七

二二

六四

九八

圖中無五數者以五爲中宮之數男寄二宮女寄八宮陰艮陽坤以分左右凡生年泊中五宮者男以坤二合卦女以

福德武曲星

一三

二七

八六

九四

艮八合卦以
二八代五爲

絕命破軍星

一二

三七

六八

四九

用也

歸魂左輔星

二一

七三

八四

六九

用也

假如今康熙六十一年男十六歲戊子生男四宮女十五歲己丑

生女三宮以男之宮數四配以女宮數三則合成四三爲絕體卦

看絕體卦之吉凶以審取舍

卦體吉凶

合得生氣天醫福德爲上吉不避刑衝害絕約絞歲星

惆悵夾角及胞胎有犯月內諸凶並無忌也合得絕體遊魂歸魂

者謂之中等可以較量輕重合取命卦通和月中小忌亦可用惟

五鬼主男女多口舌絕命主男女多疾病當斟酌去取再當以男

女八字配合如何若男女八字四柱相合亦未可棄也蓋吉無十全但得中平亦爲次吉神而明之存乎其人

男女起造合九宮宅元訣

三元男女各從本宮上起甲子入十二支辰掌男順行女逆行尋本命所落何辰就于其宮起一十順行零年節節數去看行年泊于何宮惟辰戌天羅地網二宮貴人不臨之地若行年泊在此二宮之年不可起造其餘十支辰宮位上行年泊之皆可用

二十支辰掌



男女宮數入十二支辰掌訣	一宮坎入子	二宮坤入申
三宮震入卯	四宮巽入巳	
五宮中入辰	六宮乾入亥	
七宮兌入酉	八宮艮入寅	
九宮離入午		

假如庚午男命三十四歲今于康熙六十一年欲起造上元庚午男命係四宮按訣四宮入巳卽于巳上起甲子順行乙丑午丙寅未按六十甲子輪排則庚午在亥宮就亥上起一十子上二十丑上三十寅上三十一卯上三十二辰上三十三巳上三十四而住其年不在辰戌二宮可用餘做此女命例同惟逆行耳

天恩上吉日

例說見前

天赦上吉日

例說見前

母倉上吉日

例說見前

天德合

例說見前

太歲已下神殺出遊日

例說見前

日遊神所在之方不宜安產室掃舍宇設床帳

按日遊神惟十六日在房內分占東西南北中五方其所在占方不宜安產室掃舍宇設床帳自己酉後四十四日出遊在外不占五方無忌

逐日人神所在不宜針灸

人神者六氣陰陽之表裏也忌針灸

一曰在足大指

厥陰分刺之發跗腫

二曰在外踝

少陰分刺之筋脛緩膝下至跗踝

三曰在股內

少陰分刺之小腹痛

四曰在腰

太陽分刺之腰痿無力

五曰在口

太陰分刺之舌強

六曰在手

陽明分刺之咽喉不利

七曰在內踝

少陰分刺之陰筋急足骨也膝至內踝一尺六寸

九曰在尻

厥陰分刺之主多病尻腫也脊梁盡處

八曰在腕

手少陰也太陰分刺之腕不收

十日在腰背

太陽分刺之腰背俸

十二日在髮際

少陽分刺之耳重聽

十四日在胃脘

陽明分刺之氣脹

十六日在胸

太陽分刺之主逆息

十八日在股內

少陰分刺之引陰氣痛

二十日在內踝

少陰分刺之脛筋急

二十二日在外踝

少陽分刺之筋緩及銅人關之脛

二十四日在手陽明

刺之銅人咽中不下利胃也圖云

二十六日在胸

太陰分刺之令人喘咳

二十八日在陰

少陰分刺之小腹急痛

十一日在鼻柱

陽明分刺之則齒面腫

十三日在牙齒

少陰分刺之氣塞

十五日在徧身

不誦不瀉大禁

十七日在氣衝

陽明分刺之難息穴也在臍下

十九日在足

陽明分刺之發腫

二十一日在手小指

太陽分刺之手不仁

二十三日在肝及足

厥陰分刺之發轉筋

二十五日在足陽明

刺之胃氣脹

二十七日在膝

陽明分刺之足脛厥逆

二十九日在膝脛

厥陰分刺之筋痿少力

三十日在足趺

陽明分刺之足
跗腫跗暗附

太白逐日遊方不宜迎婚嫁娶往來抵向

一起于震帝出乎震也

十一日十一日二

二至巽

二日十二日二

至離

三日十三日二

四至坤

四日十四日二

五至兌

五日十五日

五六至乾

六日十六日二

七至坎

七日十七日二

八至艮

八日二十

十八日

九至中

九日十九日二

十在天

十日二十日三

故逢一遊

東逢二遊東南逢三遊南逢四遊西南逢五遊西逢六遊西北逢

七遊北逢八遊東北逢九遊中逢十在天巡行八方上下如帝之

巡狩也不可抵向犯之 凡上官赴任出行求財皆忌

長短星不宜市貿交易裁衣納財

長星者長庚也月建五虎遁之庚辛而加以九宮之數也短星者

熒惑火也用五子遁得丙丁而減朔策者也裁衣取其齊而忌或

長或短也交易市貿取其一亦不可或長或短者也

其說甚繁今畧存大意

百忌

相傳百忌起于彭祖

甲不開倉

財物耗亡

財貨戊土之所生甲剋戊土故不開倉也

乙不栽植

干株不長

乙木花木也犯其本也巳土田園之土也剋巳土卉木不生也

丙不修竈

必見火殃

丙火在巳爐冶之旺火也

丁不剃頭

頭必生瘡

丁火剋陰金之剃刀不和也頂爲金門不宜火也

戊不受田

田主不祥

戊田疇之旺土也

己不破券

二比並亡

己土生生之土不可破也

庚不經絡

機織虛張

庚金剪裁刑剋之金也

辛不合醬

主人不嘗

辛者味之辛而不甘者也

壬不決水

難更隄防

壬爲江河之水決之不盡也

癸不詞訟

理弱敵強

癸爲干之窮如理窮而詞屈也

子不問卜

吉凶不彰

天地蒙晦而未分也

丑不冠帶

威武不揚

暗金晦神也

寅不祭祀

鬼神不享

寅鬼門也

卯不穿井

水泉不香

卯雷門也動之地也動則不潔矣

辰不哭泣

恐有飛喪

辰爲天罡悲哭生不祥也

巳不遠行

不出井鄉

巳蛇無足者也不能遠行

午不苦蓋主出火殃 午旺火也

未不服藥病不安康 未者味也犯之失其味也

申不安牀鬼祟入房 申者伸也身也犯之身反不安也

酉不會客醉生顛狂 酉酒也犯酒則醉醺矣

戌不乞狗作怪上房 戌者犬之旺也大旺而怪作矣

亥不嫁娶不利新娘 亥爲雙女主再娶也

忌有百今惟取二十二者以十支切緊當從而餘可緩焉者也

祀竈曰 凡祀竈擇用六癸曰

竈屬火癸屬水以六癸日祀竈水火相濟之意也

洗頭曰

頭者神所居上圓象天子卦爲朝故名元首君子重之雖疏滌之
微不敢忽也每月惟十三日宜之申酉亥子亦吉者金水相生之

遊禍日 不宜服藥

正寅 五午九戌 月巳日一十 亥二卯六未 月寅日 七申十一子

三辰 月亥日 四巳八百 十二丑 月申日 又不宜滿日言滿日亦不宜

服藥 乃三舍之臨官也而日遊禍者蓋爲剋殺所冲剋也

其例如正月五月九月逢巳日卽是遊禍餘月倣此

天火日 不宜苫蓋

編茅以覆屋也

正寅 五午九戌 月子日 十亥二卯六未 月卯日

七申十一子 三辰 月午日 四巳八百十二丑 月酉日

寅午戌月以子中霹靂之火而冲午中正陽之火也亥卯未月在卯以卯中爐中之火而發震雷之火也申子辰月在午以午中天上的火而激子中霹靂之火也已酉丑月在酉以酉中之丁火而發酉中山下之火也此天道自然之火不測而生者也

其例如二月逢卯日卽是天火八月逢酉日卽是天火餘月倣此
上朔日 今年但逢 日爲上朔日不宜會客作樂

上者陽生于子今用亥亥在子上陰生于午今用巳巳在午上朔者蘇而復生也上朔二字之義本此其例則陽年以年干加寅陰年以年干加丑陽年數至亥陰年數至巳則得上朔日矣寅爲艮之鬼門丑乃物之終極收斂而無發生之氣且陽年干受生于日

嫁娶周堂圖

干則陽微陰年干反剋于日干則陰盛故忌會客作樂及上官遠行婚娶等事

甲年	癸亥	乙年	己巳	丙年	乙亥	丁亥	辛巳	戊年	丁亥
日		日		日		日		日	
己年	癸巳	庚年	己亥	辛年	乙巳	壬年	辛亥	癸年	丁巳
日		日		日		日		日	

夫
婦
第
堂

凡選擇嫁娶日大月從夫順數小月從婦逆數擇第堂厨竈日用之如遇翁姑而無翁姑者亦可用

值夫直婦必須別擇吉日若值翁姑通書云新人入門時翁姑暫出外少避亦可權宜用之此說不可從惟翁原出遊在外如值姑則可權用耳

人生大事莫重于娶婦蓋上以衍宗祧之不替下以繼中饋之蘋
蘩凡翁姑夫婦人倫寓焉廚竈第室起居藉矣曷可使其犯所不
當犯者乎言周堂者猶言室家也不犯周堂似亦宜其室家之義
耳

乾爲父老翁也故翁居乾位坤爲母姑婆也故姑居坤位坎第宅
也宅居北而南向故第居坎位艮爲竈丙火之長生也故竈居艮
位巽爲厨萬物潔齊之所故厨居巽位兌爲堂內堂也處于公婆
之間者也故堂居兌位婦居于震者東方生氣之主而婦人在厨
竈之間以主中饋者也夫爲離位者南方離明之位也夫居離而
婦居震木火之相資以婦而助夫以水而生火有雷火之象焉大

月順從夫小月逆從婦者陽從夫之陽順陰從婦之陰逆也亦天尊地卑夫面南離婦立東房之義也

五姓修宅

凡人各有姓凡姓名有所屬姓之所属惟五宮商角徵羽五音是也故曰五姓五音姓氏修造各有宜忌年月擇其所宜之月用事則吉不宜之月則忌之

宮姓屬土

五姓各附郡名

孫樂馮始吳嚴天魏鉅陶濟水吳范高彭鹿鳳邵任樂鄧京
安馮平沈興嚴水魏鹿陶陽水興范平彭鹿鳳陽任安豐北
鮑上南陽倪千殷汝南吳計北談廣宋兆熊陵江屈臨閔西童雁
黨崇陽倪乘殷汝南吳計北談廣宋兆熊陵江屈臨閔西童雁
林河西丘南應汝支鄱宗兆郁陽翹興封海松莞隗餘蓬長仲山

宮

太原

仇

南

甘

海

針

西

景

晉

幸

雁

司

頓

丘

韶

太

薊

內

薄

雁

白

南

屠

留

蒙

安

鬱

原

雙

水

貢

陵

逢

國

冉

陵

桂

天

牛

西

農

雁

晏

齊

閭

太

充

皇

贊

茹

河

容

燧

戈

臨

海

暨

都

黎

耿

陽

滿

東

冠

上

廣

陽

闕

下

夔

北

隆

南

陽

勾

平

陽

教

國

融

康

簡

陽

空

丘

沙

南

也

昌

晉

豐

括

陽

荆

陵

紅

昌

游

平

居

海

仰

陽

屯

晉

權

水

栢

國

公

括

陽

鹿

南

河

酒

陵

江

欽

太

栗

黎

塞

山

覆

姓

歐

陽

海

東

方

平

大

叔

平

公

孫

高

仲

孫

高

閭

丘

頓

水

丘

吳

興

南

門

南

折

中

兆

豆

盧

范

商姓属金

王

太

原

蔣

樂

安

韓

高

楊

弘

何

江

張

清

戚

東

海

謝

留

相

魏

章

河

潘

榮

奚

國

郎

中

昌

南

花

東

方

南

柳

東

雷

馮

賀

廣

湯

中

鄔

川

安

武

常

原

平

靖海附陽譙北	商兆京余雁葉陽鄞南留安鐸鄞介內慶內長南萇郡拔瑯過平	庫內黃巢彭關隴查汝蓋汝益翊荆襄傳河羊太郗陽關水南	尚黨溫原柴陽慕煌習陽東向內河庚郡濟衡門匡陽文雁歐陽鞏山	籍廣蘭山中陰始能原蒼陵党馮申郡魏郤陽桑陽壽北通河冀海	惠風邴陽糜汝巫陽牧農山內全北班風伊原暴郡郢平鄂武	房清解陽杭餘左陽崔博鈕吳興程定嵇國邢間滑邳裴東榮上	危江江顏國郭太徐海駱內蔡陽樊黨萬扶柯陽盧陽莫鉅	茅東龐始項魯祝太梁定杜北京阮留席定麻谷強水賈武趾黃內	康北元南平河黃夏姚興邵陵湛章汪陽狄水臧海伏原成上
--------	---------------------------	--------------------------	-----------------------------	----------------------------	--------------------------	---------------------------	-------------------------	----------------------------	--------------------------

覆姓

万侯陵蘭

上官水天

夏侯國譙

赫連海勃

公羊丘賴

軒轅邵陽

令狐太原

長孫陽濟

濮陽陵

東平東河

鮮于太原

拓拔川賴

賀蘭東河

司寇昌平

青陽陽榮

角姓属木

趙水

周南

朱國

孔魯

曹譙

華武

金城

鄒陽

俞江

廉河

蕭南

董西

高渤海

虞陳

裴渤

洪煥

陸南

家北

烏京

川賴

郇北

印馮

懷河

從東

索莞

喬武

梁京

雍北

濮國

艾天

車北

安平

晁京

密太

曲陳

留濟

革六

陽新

藥岳

南平

覆姓

鍾離

會臺

山

徵姓属火

錢彭

李隴

西鄭

陽榮

陳賴

秦天

冰尤

吳吳

施興

寶扶

風雲

雲瑯

史京

北唐

晉薛

河東

滕南陽羅章畢南河太時齊南尹天祁太米京戴國紀高

舒北京藍南季海婁國刁農鍾川田雁咎太管平經范子川丁陽

宣平賁城鄧南單南諸卿石武吉馮荀河甄中芮平井扶段京

巴平寧郡樂河厲平黎京宿平咸南賴川卓河池平聞吳莘天

翟南譚弘勞江姬南宰河鄺新邊龍邴武別京莊天瞿松連工

官中易太慎天廖武終南祿扶東平利河師太聶河冷京訾海

辛西那天竺東遼平姜天真上員天智魯晉平練河曾天新河

鞏山祭南

覆姓司馬諸葛尉遲太申屠京司徒趙司空丘西門陽晉

獨孤訖平訖千屈南武陵北門呼延屈突東門陽斛斯武

羽姓屬水

吳

渤海南河衛

許

高陽呂

江

夏蘇功

魯

扶風

韋

京兆

馬

扶風

袁

汝南費

于

南河濟

伍

安余下

卜

河

顧

武孟平

穆

河南

毛

河西

禹

隴西

夏

稽胡定

霍

太原

繆

蘭陵

包

上翁鹽

於

北京

羿

濟南

儲

河東

谷

上江陵

武

太原

符

瑯琊

詹

河東

龍

武陽

蒲

河內

胥

瑯琊

燕

范陽

浦

北京

魚

馮州

古

新步

父

武陽

沃

太原

蔚

瑯琊

鞠

山陽

須

渤海

後

東海

苗

東陽

祖

范陽

盛

廣陵

凌

河間

旅

安南

牟

平昌

璩

陽母

鹿

鉅野

靳

河西

覆

姓

皇甫

北京

公

治國

宗

政彭

淳

于南

單

于千

字

文趙

聞

人河

內

皇

甫京

公

治國

宗

政彭

淳

于南

單

于千

字文趙

宮姓 宜六七八十二月 不宜三九月

子亥年 害財 丑年 大通 寅卯年 鬼賊 辰年 大墓 巳年 氣絕

午年 白虎 申酉年 小通 戌年 小墓

商姓 宜七八十一月 不宜六十二月

子辰年 小通 丑年 大墓 寅卯年 氣絕 辰年 白虎 巳年 鬼賊

戌亥年 小通 未年 小墓 申酉年 大通

角姓 宜正二十十一月 不宜六十二月

子巳年 小通 丑年 小墓 寅卯年 大通 辰年 害財 巳年 大墓

午亥年 氣絕 鬼賊 申酉年

徵姓 宜正二四五月 不宜三九月

子年 白虎鬼賊

丑寅年 小通

辰年 小墓
巳年 大通

酉年 害財

戌年 大墓

亥年 氣絕鬼賊

羽姓 宜正二十一月 不宜三九月

子年 大通

丑年 鬼賊

寅卯年 小通

辰年 大墓

巳年 氣絕

午年 白虎

戌年 小墓

申酉年 小通

辰年 大墓

巳年 氣絕

男承極校字